



UNDANG-UNDANG MALAYSIA

Akta A1505

**AKTA PERBADANAN INSURANS DEPOSIT MALAYSIA
(PINDAAN) 2016**

Tarikh Perkenan Diraja 2 Mac 2016

Tarikh penyiaran dalam *Warta* ... 7 Mac 2016

Hakcipta Pencetak (H)

PERCETAKAN NASIONAL MALAYSIA BERHAD

Semua Hak Terpelihara. Tiada mana-mana bahagian jua daripada penerbitan ini boleh diterbitkan semula atau disimpan di dalam bentuk yang boleh diperolehi semula atau disiarkan dalam sebarang bentuk dengan apa jua cara elektronik, mekanikal, fotokopi, rakaman dan/atau sebaliknya tanpa mendapat izin daripada **Percetakan Nasional Malaysia Berhad (Pencetak kepada Kerajaan Malaysia yang dilantik)**.

UNDANG-UNDANG MALAYSIA

Akta A1505

AKTA PERBADANAN INSURANS DEPOSIT MALAYSIA (PINDAAN) 2016

Suatu Akta untuk meminda Akta Perbadanan Insurans Deposit Malaysia 2011.

[]

DIPERBUAT oleh Parlimen Malaysia seperti yang berikut:

Tajuk ringkas

1. Akta ini bolehlah dinamakan Akta Perbadanan Insurans Deposit Malaysia (Pindaan) 2016.

Pindaan am

2. Akta Perbadanan Insurans Deposit Malaysia 2011 [*Akta 720*], yang disebut “Akta ibu” dalam Akta ini, dipinda dengan memotong perkataan “perpaduan” di mana-mana jua terdapat termasuk dalam nota bahu Akta ibu.

Pindaan seksyen 2

3. Seksyen 2 Akta ibu dipinda—

(a) dalam subseksyen (1)—

(i) dengan menggantikan takrif “anggota penerima deposit” dengan takrif yang berikut:

‘ “anggota penerima deposit” ertinya suatu institusi anggota yang merupakan bank Islam atau bank berlesen;’;

- (ii) dengan memasukkan selepas takrif “aset” takrif yang berikut:

‘ “bank berlesen” mempunyai erti yang sama sebagaimana yang ditakrifkan di bawah subseksyen 2(1) Akta Perkhidmatan Kewangan 2013 [Akta 758];’;

- (iii) dengan memasukkan selepas takrif “bank berlesen” takrif yang berikut:

‘ “bank Islam” ertinya suatu bank yang dilesenkan di bawah Akta Perkhidmatan Kewangan Islam 2013 [Akta 759], selain suatu bank Islam antarabangsa berlesen;’;

- (iv) dengan memotong takrif “aset Islam”;

- (v) dengan memotong takrif “aset konvensional”;

- (vi) dalam takrif “deposit Islam”, dengan memotong perkataan “atas apa-apa asas termasuk jagaan atau perkongsian keuntungan”;

- (vii) dalam takrif “deposit konvensional”, dalam perenggan (b), dengan memasukkan selepas perkataan “pemberian cagaran” perkataan “melainkan jika jumlah wang itu disediakan atau diberikan sebagai cagaran atau sekuriti bagi pembayaran balik apa-apa pinjaman yang dibuat oleh atau hutang yang terhutang kepada anggota penerima deposit”;

- (viii) dalam takrif “institusi anggota”, dengan menggantikan perkataan “perbadanan” dengan perkataan “orang”;

- (ix) dengan menggantikan takrif “institusi kewangan” dengan takrif yang berikut:

‘ “institusi kewangan” ertinya suatu bank berlesen, bank Islam, syarikat insurans atau pengendali takaful;’;

- (x) dengan menggantikan takrif “kemudahan pembiayaan Islam” dengan takrif yang berikut:

‘ “kemudahan pembiayaan Islam” mempunyai erti yang sama sebagaimana yang diberikan kepada takrif “kemudahan pembiayaan” di bawah subseksyen 2(1) Akta Perkhidmatan Kewangan Islam 2013;’;

- (xi) dengan memasukkan selepas takrif “pejabat” takrif yang berikut:

‘ “pelikuidasi” termasuklah seorang pelikuidasi sementara, jika berkenaan;’;

- (xii) dalam teks bahasa kebangsaan, dengan memotong takrif “pengendali takaful” yang sedia ada;

- (xiii) dengan memasukkan selepas takrif “pendeposit” takrif yang berikut:

‘ “pengendali takaful” ertinya pengendali takaful yang dilesenkan untuk menjalankan perniagaan takaful di bawah Akta Perkhidmatan Kewangan Islam 2013, selain suatu pengendali takaful yang dilesenkan untuk menjalankan perniagaan takaful semula semata-mata dan suatu pengendali takaful antarabangsa;’;

- (xiv) dengan memotong takrif “perjanjian kewangan yang layak”;

- (xv) dengan memotong takrif “perniagaan kewangan Islam”;

- (xvi) dengan menggantikan takrif “perniagaan perbankan Islam” dengan takrif yang berikut:

‘ “perniagaan perbankan Islam” mempunyai erti yang sama sebagaimana yang ditakrifkan di bawah subseksyen 2(1) Akta Perkhidmatan Kewangan Islam 2013;’;

- (xvii) dengan menggantikan takrif “polisi am” dengan takrif yang berikut:

‘ “polisi am” ertinya suatu polisi yang dikeluarkan oleh suatu syarikat insurans yang dilesenkan di bawah Akta Perkhidmatan Kewangan 2013 untuk menjalankan perniagaan insurans am;’;

- (xviii) dengan memasukkan selepas takrif “polisi hayat” takrif yang berikut:

‘ “polisi hayat sertaan” ertinya suatu polisi hayat yang memberikan suatu hak kepada pemunya polisi untuk menyertai dalam untukan, yang jumlah atau penentuan masa adalah pada budi bicara syarikat insurans, daripada aset suatu kumpulan wang insurans di bawah Akta Perkhidmatan Kewangan 2013;’;

- (xix) dengan memasukkan selepas takrif “sekuriti” takrif yang berikut:

‘ “sekuriti Islam” ertinya sekuriti yang mengikut Shariah;’;

- (xx) dengan menggantikan takrif “sijil takaful am” dengan takrif yang berikut:

‘ “sijil takaful am” ertinya suatu sijil takaful yang dikeluarkan oleh pengendali takaful yang dilesenkan di bawah Akta Perkhidmatan Kewangan Islam 2013 untuk menjalankan perniagaan takaful am;’;

- (xxi) dengan menggantikan takrif “surat cara modal” dengan takrif yang berikut:

‘ “surat cara modal” ertinya syer keutamaan, saham pinjaman, hutang berjangka subordinat atau surat cara lain yang diluluskan oleh Bank Negara Malaysia sebagai layak untuk menjadi modal bagi maksud Akta Perkhidmatan Kewangan 2013 atau Akta Perkhidmatan Kewangan Islam 2013;’;

- (xxii) dengan menggantikan takrif “syarikat insurans” dengan takrif yang berikut:

“ “syarikat insurans” ertinya suatu penanggung insurans yang dilesenkan untuk menjalankan perniagaan insurans di bawah Akta Perkhidmatan Kewangan 2013, selain suatu penanggung insurans yang dilesenkan untuk menjalankan perniagaan insurans semula semata-mata dan Danajamin Nasional Berhad;”;

- (xxiii) dalam takrif “tahun taksiran”, dengan memasukkan selepas perkataan “premium” perkataan “dan levi”;

- (xxiv) dalam takrif “takaful”, dengan menggantikan perkataan “Akta Takaful 1984” dengan perkataan “Akta Perkhidmatan Kewangan Islam 2013”; dan

- (xxv) dengan menggantikan takrif “takaful perpaduan keluarga” dengan takrif yang berikut:

“ “takaful keluarga” ertinya takaful di bawah suatu sijil takaful keluarga.”;

- (b) dengan memasukkan selepas subseksyen (1) subseksyen yang berikut:

“Perjanjian kewangan yang layak

(1A) Bagi maksud Akta ini—

- (a) “cagaran kewangan” ertinya mana-mana yang berikut yang tertakluk kepada suatu kepentingan atau hak yang menjamin pembayaran atau pelaksanaan suatu obligasi berkenaan dengan suatu perjanjian kewangan yang layak atau yang tertakluk kepada suatu perjanjian sokongan kredit pindah hakmilik:

- (i) wang tunai atau yang bersamaan dengan wang tunai, termasuk surat cara boleh niaga dan deposit tuntutan;

- (ii) sekuriti, sekuriti Islam, suatu akaun sekuriti, suatu akaun sekuriti Islam, atau suatu hak untuk memperoleh sekuriti atau sekuriti Islam; atau
 - (iii) suatu perjanjian niaga hadapan atau suatu akaun niaga hadapan;
- (b) “derivatif” ertinya apa-apa perjanjian, termasuk suatu opsyen, swap, kontrak niaga hadapan atau kontrak hadapan, yang harga pasaran, nilai, penghantaran atau obligasi pembayarannya berpunca daripada, dirujuk kepada atau berdasarkan, tetapi tidak terhad kepada, sekuriti, komoditi, aset, kadar (termasuk kadar faedah atau kadar pertukaran) atau indeks;
- (c) “derivatif Islam” ertinya apa-apa perjanjian, termasuk suatu opsyen, swap, kontrak niaga hadapan atau kontrak hadapan, yang dibuat mengikut Shariah, yang harga pasaran, nilai, penghantaran atau obligasi pembayarannya berpunca daripada, dirujuk kepada atau berdasarkan, tetapi tidak terhad kepada, sekuriti Islam, komoditi, aset, kadar (termasuk kadar keuntungan atau kadar pertukaran) atau indeks;
- (d) “perantaraan kewangan” ertinya—
 - (i) suatu agensi penjelasan; atau
 - (ii) seseorang, termasuk broker, bank atau syarikat amanah, yang dalam perjalanan biasa perniagaan menyenggara akaun sekuriti, akaun sekuriti Islam atau akaun niaga hadapan untuk orang lain;

(e) “perjanjian kewangan yang layak” ertinya—

(i) suatu perjanjian induk berkenaan dengan satu atau lebih transaksi kewangan yang layak di bawahnya yang sekiranya hal tertentu yang ditentukan oleh pihak-pihak kepada perjanjian itu berlaku—

(A) transaksi yang disebut dalam perjanjian itu tamat atau boleh ditamatkan;

(B) nilai penamatan transaksi di bawah subperenggan (i) dikira atau boleh dikira; dan

(C) nilai penamatan transaksi di bawah subperenggan (i) adalah bersih atau boleh bersih, supaya suatu amaun bersih kena dibayar,

dan jika suatu perjanjian adalah juga berkenaan dengan satu atau lebih transaksi yang bukan transaksi kewangan yang layak, perjanjian itu hendaklah disifatkan sebagai perjanjian kewangan yang layak hanya berkenaan dengan transaksi yang merupakan transaksi kewangan yang layak dan apa-apa penguatkuasaan yang dibenarkan oleh pihak-pihak mengenai hak mereka di bawah perjanjian itu;

(ii) suatu perjanjian yang berhubungan dengan cagaran kewangan, termasuk perjanjian sokongan kredit pindah hakmilik, berkenaan dengan satu atau lebih transaksi kewangan yang layak di bawah suatu perjanjian induk yang disebut dalam subperenggan (i);

- (iii) suatu perjanjian untuk meminjam atau meminjamkan sekuriti atau komoditi, termasuk suatu perjanjian untuk memindahkan sekuriti atau komoditi yang di bawahnya peminjam boleh membayar balik pinjaman itu dengan sekuriti atau komoditi yang lain, wang tunai atau yang bersamaan dengan wang tunai; atau
 - (iv) apa-apa perjanjian lain sebagaimana yang ditetapkan oleh Bank Negara Malaysia di bawah Akta Perkhidmatan Kewangan 2013 atau di bawah Akta Perkhidmatan Kewangan Islam 2013;
- (f) “perjanjian sokongan kredit pindah hakmilik” ertinya suatu perjanjian yang di bawahnya hakmilik kepada harta telah diperuntukkan bagi maksud menjamin pembayaran atau pelaksanaan suatu obligasi berkenaan dengan suatu perjanjian kewangan yang layak; dan
- (g) “transaksi kewangan yang layak” ertinya—
- (i) suatu derivatif atau suatu derivatif Islam, sama ada yang akan diselesaikan melalui pembayaran atau serahan; atau
 - (ii) suatu perjanjian beli semula, beli semula songsang atau jual beli balik berkenaan dengan sekuriti atau sekuriti Islam.”; dan
- (c) dalam subseksyen (2), dengan memasukkan selepas perkataan “pemberitahuan,” perkataan “arahan,”.

Pindaan seksyen 10

- 4.** Seksyen 10 Akta ibu dipinda dengan menggantikan subseksyen (2) dengan subseksyen yang berikut:

“(2) Tanpa menjejaskan mana-mana peruntukan lain Akta ini, Perbadanan boleh menetapkan, dengan kelulusan Menteri, bagi mana-mana peruntukan Akta ini untuk terpakai bagi suatu subsidiari Perbadanan seolah-olah subsidiari Perbadanan itu ialah Perbadanan itu sendiri.”.

Pindaan seksyen 14

- 5.** Seksyen 14 Akta ibu dipinda—

- (a) dalam perenggan (1)(c), dengan menggantikan perkataan “seorang ketua bahagian” dengan perkataan “seorang pemegang jawatan”; dan
- (b) dengan memasukkan selepas subseksyen (1) subseksyen yang berikut:

“(1A) Bagi maksud perenggan (1)(c), “pemegang jawatan” ertinya mana-mana orang yang merupakan presiden atau naib presiden, atau setiausaha atau bendahari bagi suatu parti politik atau mana-mana cawangan parti politik itu, atau yang merupakan seorang anggota jawatankuasa atau anggota badan pengelolaan suatu parti politik atau mana-mana cawangan parti politik itu atau yang memegang apa-apa jawatan atau kedudukan dalam suatu parti politik atau mana-mana cawangan parti politik itu, dengan apa jua nama yang dipanggil, yang sama dengan mana-mana yang disebut di atas atau yang berkenaan dengannya orang itu menjalankan pengurusan atau kawalan bagi hal ehwal parti politik atau mana-mana cawangan parti politik itu.”.

Pindaan Bab 4

- 6.** Tajuk Bab 4 Bahagian II Akta ibu dipinda dengan memasukkan selepas perkataan “*Pegawai dan pekerja*” perkataan “, *dsb.*”.

Pindaan seksyen 25**7. Subseksyen 25(2) Akta ibu dipinda—**

(a) dalam perenggan (a)—

(i) dengan menggantikan subperenggan (ii) dengan subperenggan yang berikut:

“(ii) kecuali bagi maksud penyediaan bantuan likuiditi, membuat pinjaman atau pendahuluan atau menyediakan pembiayaan dengan atau tanpa cagaran, atau menjamin dengan atau tanpa cagaran apa-apa pinjaman, pendahuluan atau pembiayaan yang disediakan, kepada institusi anggota;” dan

(ii) dalam subperenggan (iii), dengan memasukkan selepas perkataan “dengan cara cagaran atau selainnya,” perkataan “atau melanggan”;

(b) dalam perenggan (h), dengan memotong perkataan “dan” di hujung perenggan itu; dan

(c) dengan memasukkan selepas perenggan (h) perenggan yang berikut:

“(ha) menyediakan apa-apa subsidi, pemberian, kemudahan pembiayaan Islam atau kemudahan kredit konvensional, dengan atau tanpa pulangan atau bunga, kepada mana-mana orang bagi maksud latihan, penyelidikan, pendidikan atau pembangunan sumber manusia berhubung dengan perkhidmatan perbankan dan kewangan; dan”.

Pindaan seksyen 26**8. Seksyen 26 Akta ibu dipinda—**

(a) dalam nota bahu, dengan menggantikan perkataan “**Pinjaman**” dengan perkataan “**Peminjaman wang atau penyediaan pembiayaan**”; dan

- (b) dengan memasukkan selepas perkataan “pinjaman” perkataan “atau menyediakan pembiayaan”.

Pindaan seksyen 27

9. Seksyen 27 Akta ibu dipinda—

- (a) dalam subseksyen (1), dengan menggantikan perkataan “perbadanan lain” dengan perkataan “mana-mana orang lain”; dan
- (b) dalam subseksyen (2), dengan menggantikan perkataan “perbadanan yang ditetapkan” di mana-mana jua terdapat dengan perkataan “orang”.

Pindaan seksyen 28

10. Seksyen 28 Akta ibu dipinda—

- (a) dalam subperenggan (1)(c)(i), (d)(i), (e)(i) dan (f)(i), dengan menggantikan perkataan “premium” dengan perkataan “levi”; dan
- (b) dalam perenggan (2)(b), dengan memasukkan selepas perkataan “premium” perkataan “dan levi”.

Pindaan seksyen 29

- 11.** Seksyen 29 Akta ibu dipinda dengan menggantikan perkataan “dana” di mana-mana jua terdapat termasuk dalam nota bahu dengan perkataan “pembiayaan”.

Pindaan seksyen 34

12. Seksyen 34 Akta ibu dipinda—

- (a) dengan menomborkan semula seksyen itu sebagai subseksyen (1); dan

- (b) dengan memasukkan selepas subseksyen (1) sebagaimana yang dinomborkan semula subseksyen yang berikut:

“(2) Perbadanan boleh menyiarkan akaun tahunan dan laporan tahunan yang disebut dalam subseksyen (1) dalam keadaan akaun tahunan dan laporan tahunan itu tidak dapat dibentangkan di hadapan Dewan Negara dan Dewan Rakyat dalam masa enam bulan dari 31 Disember tahun taksiran yang sebelumnya.”.

Pindaan seksyen 36

13. Akta ibu dipinda dengan menggantikan seksyen 36 dengan seksyen yang berikut:

“Disifatkan sebagai anggota

36. (1) Suatu bank berlesen atau bank Islam—

- (a) yang disifatkan sebagai suatu institusi anggota di bawah seksyen 37 Akta yang dimansuhkan, hendaklah berterusan kekal sebagai suatu institusi anggota di bawah Akta ini; atau
- (b) yang dilesenkan di bawah Akta Bank dan Institusi-Institusi Kewangan 1989 [*Akta 372*], Akta Bank Islam 1983 [*Akta 276*], Akta Perkhidmatan Kewangan 2013 atau Akta Perkhidmatan Kewangan Islam 2013 selepas mula berkuatkuasanya Akta ini, hendaklah disifatkan sebagai suatu institusi anggota dari tarikh ia diberikan lesen.

(2) Suatu pengendali takaful atau syarikat insurans disifatkan sebagai suatu institusi anggota—

- (a) dari tarikh berkuatkuasanya Akta ini; atau
- (b) jika ia mula wujud selepas tarikh berkuatkuasanya Akta ini, dari tarikh ia didaftarkan di bawah Akta Takaful 1984 [*Akta 312*], atau dilesenkan di bawah Akta Insurans 1996 [*Akta 553*], Akta Perkhidmatan Kewangan Islam 2013 atau Akta Perkhidmatan Kewangan 2013.

(3) Mana-mana orang yang ditetapkan sebagai institusi anggota oleh suatu perintah yang disebut dalam subseksyen 27(1) disifatkan sebagai suatu institusi anggota dari tarikh kuat kuasa perintah itu.

(4) Walau apa pun subseksyen 120(1), seksyen ini tidak terpakai bagi suatu institusi perantaraan.”.

Pindaan seksyen 38

14. Akta ibu dipinda dengan menggantikan seksyen 38 dengan seksyen yang berikut:

“Pembatalan keanggotaan

38. Keanggotaan suatu institusi anggota yang merupakan suatu institusi kewangan hendak dibatalkan jika lesen institusi anggota itu telah diserahkan balik atau dibatalkan di bawah Akta Perkhidmatan Kewangan 2013 atau Akta Perkhidmatan Kewangan Islam 2013.”.

Pindaan seksyen 39

15. Seksyen 39 Akta ibu dipinda—

(a) dengan menggantikan subseksyen (4) dengan subseksyen yang berikut:

“(4) Jika Lembaga telah mengesahkan cadangannya untuk menamatkan keanggotaan institusi anggota itu, Perbadanan hendaklah—

(a) dengan serta-merta memaklumkan Menteri dan Bank Negara Malaysia secara bertulis; dan

(b) mengeluarkan suatu notis bertulis mengenai penamatan keanggotaan kepada institusi anggota yang keanggotaannya hendaklah ditamatkan apabila habis tempoh yang ditentukan dalam notis itu.”;

(b) dengan memotong subseksyen (5) dan (6); dan

- (c) dalam subseksyen (7), dengan menggantikan perkataan “subseksyen (6)” dengan perkataan “subseksyen (4)”.

Pindaan seksyen 40

16. Subseksyen 40(1) Akta ibu dipinda dengan menggantikan perenggan (c) dengan perenggan yang berikut:

- “(c) dalam hal bekas anggota penanggung insurans, manfaat dilindungi pada tarikh pembatalan atau penamatan keanggotaan itu berkuat kuasa, ditolak apa-apa bayaran yang dibuat disebabkan oleh manfaat itu, hendaklah terus dilindungi selepas tarikh kuat kuasa pembatalan atau penamatan itu sehingga penunaian semua obligasi bekas anggota penanggung insurans berkenaan dengan manfaat takaful atau insurans itu;”.

Pindaan seksyen 41

17. Akta ibu dipinda dengan menggantikan seksyen 41 dengan seksyen yang berikut:

“Deposit

41. (1) Bagi maksud Bahagian ini—

- (a) “deposit” ertinya baki belum dibayar daripada agregat deposit sebagaimana yang ditakrifkan di bawah subseksyen 2(1) yang diterima atau dipegang oleh anggota penerima deposit daripada atau bagi pihak seseorang dan termasuklah—
- (i) suatu draf bank, cek kembara, surat kredit bayar dahulu, kiriman wang atau surat cara lain yang seumpamanya yang berkenaan dengannya anggota penerima deposit itu bertanggung terutamanya;
 - (ii) cek atau surat cara atau arahan lain yang seumpamanya yang dimasukkan ke dalam sistem pembayaran yang ditetapkan di bawah subseksyen 30(1) Akta Perkhidmatan Kewangan 2013 atau subseksyen 39(1) Akta Perkhidmatan Kewangan Islam 2013 walau apa pun apa-apa kelengahan atau kegagalan oleh anggota penerima deposit itu dalam mengkreditkan akaun itu;

- (iii) deposit mata wang asing; atau
- (iv) apa-apa liabiliti atau surat cara kewangan sebagaimana yang ditentukan oleh Perbadanan, tetapi tidak termasuk, melainkan jika ditentukan selainnya oleh Perbadanan di bawah subperenggan (iv)—
 - (A) suatu deposit yang tidak kena dibayar di Malaysia;
 - (B) suatu deposit pasaran wang;
 - (C) suatu deposit surat cara boleh niaga dan apa-apa deposit pembawa yang lain;
 - (D) suatu perjanjian beli semula;
 - (E) suatu deposit yang kena dibayar oleh anggota penerima deposit dalam penjalanan perniagaan perbankan Labuannya yang dijalankan di bawah Akta Perkhidmatan Kewangan dan Sekuriti Labuan 2010 [*Akta 704*] atau perniagaan perbankan Islam Labuannya yang dijalankan di bawah Akta Perkhidmatan Kewangan dan Sekuriti Islam Labuan 2010 [*Akta 705*]; dan
 - (F) apa-apa liabiliti atau surat cara kewangan yang lain sebagaimana yang ditentukan oleh Perbadanan;

(b) “akaun amanah” termasuklah wang yang dipegang dalam akaun bagi maksud suatu amanah.

(2) Bagi mengelakkan keraguan, liabiliti atau surat cara kewangan yang disebut dalam subperenggan (1)(a)(iv) dan perenggan (1)(a)(F) termasuklah apa-apa liabiliti atau surat cara yang di bawahnya suatu jumlah wang atau nilai wang diterima atau dibayar mengikut terma oleh mana-mana orang, yang penerimaan dan pembayaran balik adalah mengikut terma mana-mana perjanjian yang selaras dengan Syariah atas apa-apa asas, sama ada terdapat obligasi untuk membayar balik wang itu sepenuhnya atau tidak.”.

Pindaan seksyen 42**18. Seksyen 42 Akta ibu dipinda—**

- (a) dengan menggantikan perkataan “amaun” di mana-mana jua terdapat dengan perkataan “had”;
- (b) dalam subseksyen (3) dalam teks bahasa Inggeris, dengan menggantikan perkataan “an” dengan perkataan “a”; dan
- (c) dalam perenggan (4)(a), dengan menggantikan perkataan “pemegang amanah untuk seorang yang lain” dengan perkataan “pemegang amanah untuk mana-mana benefisiari”.

Pindaan seksyen 43**19. Subseksyen 43(1) Akta ibu dipinda dengan menggantikan perkataan “amaun” dengan perkataan “had”.****Pindaan seksyen 44****20. Seksyen 44 Akta ibu dipinda dengan menggantikan subseksyen (1) dengan subseksyen yang berikut:**

“(1) Jika liabiliti deposit suatu anggota penerima deposit (dalam seksyen ini disebut “anggota pemindah”) dipindahkan kepada dan diambil alih oleh seseorang yang bukan anggota penerima deposit, deposit itu, ditolak apa-apa pengeluaran daripada deposit itu, hendaklah disifatkan sebagai dan akan terus diinsuranskan oleh Perbadanan setakat apa-apa had yang ditetapkan di bawah subseksyen 42(2), bagi baki tahun taksiran itu, atau sehingga deposit itu matang atau dikeluarkan kesemuanya, mengikut mana-mana yang lebih awal, selepas tarikh pemindahan dan pengambilalihan.”.

Pindaan seksyen 46**21. Seksyen 46 Akta ibu dipinda—**

- (a) dengan memotong perkataan “cek diperakui,”; dan
- (b) dalam teks bahasa kebangsaan, dengan memotong perkataan “perintah”.

Pindaan seksyen 48

22. Subseksyen 48(1) Akta ibu dipinda dengan menggantikan perkataan “ditetapkan” dengan perkataan “ditentukan”.

Pindaan seksyen 51

23. Seksyen 51 Akta ibu dipinda—

(a) dengan menggantikan subseksyen (2) dengan subseksyen yang berikut:

“(2) Surcay premium yang kena dibayar oleh anggota penerima deposit di bawah subseksyen (1) dalam mana-mana tahun taksiran tertentu tidak boleh melebihi premium yang kena dibayar oleh anggota penerima deposit itu berkenaan dengan tahun taksiran sebelumnya atau satu juta ringgit, mengikut mana-mana yang lebih tinggi.”;

(b) dengan memotong perenggan (3)(a); dan

(c) dalam perenggan (3)(b), dengan memasukkan selepas perkataan “pemberitahuan,” perkataan “arahan,”.

Pindaan seksyen 52

24. Seksyen 52 Akta ibu dipinda dengan menggantikan perkataan “premium yang belum dibayar” dengan perkataan “premium atau surcay premium yang belum dibayar”.

Pindaan seksyen 55

25. Seksyen 55 Akta ibu dipinda dalam nota bahu dengan memotong perkataan “**berkenaan dengan deposit diinsuranskan**”.

Pindaan seksyen 56

26. Seksyen 56 Akta ibu dipinda—

(a) dalam nota bahu, dengan memotong perkataan “**berkenaan dengan deposit diinsuranskan**”; dan

- (b) dalam perenggan (1)(c), dengan memasukkan selepas perkataan “subseksyen 44(1)” perkataan “jika perintah penggulungan dibuat dalam baki tahun taksiran selepas tarikh pemindahan dan pengambilalihan”.

Pindaan seksyen 57

27. Seksyen 57 Akta ibu dipinda dalam nota bahu dengan memotong perkataan “**berkenaan dengan deposit diinsuranskan**”.

Pindaan seksyen 58

28. Seksyen 58 Akta ibu dipinda dalam nota bahu dengan memotong perkataan “**berkenaan dengan deposit diinsuranskan**”.

Pindaan seksyen 60

29. Seksyen 60 Akta ibu dipinda dengan memasukkan selepas perkataan “anggota penerima deposit yang memegang deposit itu,” perkataan “bekas anggota penerima deposit sebagaimana yang disebut dalam perenggan 40(1)(b) atau mana-mana orang yang kepadanya liabiliti deposit telah dipindahkan di bawah subseksyen 44(1),”.

Pindaan seksyen 61

30. Seksyen 61 Akta ibu dipinda dengan menggantikan perkataan “melebihi apa-apa amaun” dengan perkataan “melebihi apa-apa had”.

Pindaan seksyen 65

31. Seksyen 65 Akta ibu dipinda dalam nota bahu dengan memotong perkataan “**berkenaan dengan deposit diinsuranskan**”.

Pindaan seksyen 66

32. Seksyen 66 Akta ibu dipinda dalam nota bahu dengan memotong perkataan “**berkenaan dengan deposit diinsuranskan**”.

Pindaan seksyen 69

33. Subseksyen 69(4) Akta ibu dipinda—

(a) dalam teks bahasa Inggeris—

- (i) dalam perenggan (c), dengan menggantikan perkataan “takaful general certificates” dengan perkataan “general takaful certificates”;
- (ii) dalam perenggan (f), dengan menggantikan perkataan “group general certificate” dengan perkataan “group general takaful certificate”;
- (iii) dalam perenggan (h), dengan menggantikan perkataan “group general certificates” di mana-mana jua terdapat dengan perkataan “group general takaful certificates”; dan
- (iv) dalam perenggan (j), dengan menggantikan perkataan “general certificate”, “group general certificates” dan “group general certificate” di mana-mana jua terdapat, masing-masing dengan perkataan “general takaful certificate”, “group general takaful certificates” dan “group general takaful certificate”; dan

(b) dalam teks bahasa kebangsaan dalam perenggan (h), dengan menggantikan perkataan “sijil takaful am atau polisi am kumpulan” dengan perkataan “sijil takaful am kumpulan atau polisi am kumpulan”.

Pindaan seksyen 70

34. Subseksyen 70(4) Akta ibu dipinda dalam teks bahasa kebangsaan dengan menggantikan perkataan “penginsurans” dengan perkataan “penanggung insurans”.

Pindaan Bab 2 Bahagian V

35. Tajuk Bab 2 Bahagian V Akta ibu dipinda dengan menggantikan perkataan “*Premium*” dengan perkataan “*Levi*”.

Pindaan seksyen 71**36.** Seksyen 71 Akta ibu dipinda—

- (a) dalam nota bahu, dengan menggantikan perkataan **“Premium”** dengan perkataan **“Levi”**; dan
- (b) dengan menggantikan perkataan “premium” di mana-mana jua terdapat dengan perkataan “levi”.

Pindaan seksyen 72**37.** Seksyen 72 Akta ibu dipinda—

- (a) dalam nota bahu, dengan menggantikan perkataan **“Premium”** dengan perkataan **“Levi”**;
- (b) dengan menggantikan perkataan “premium” di mana-mana jua terdapat dengan perkataan “levi”;
- (c) dalam subseksyen (1), dengan menggantikan perkataan “ditetapkan” dengan perkataan “ditentukan”;
- (d) dalam subseksyen (1) dalam teks bahasa kebangsaan, dengan menggantikan perkataan “penginsurans” dengan perkataan “penanggung insurans”; dan
- (e) dalam subseksyen (1) dalam teks bahasa Inggeris, dengan menggantikan perkataan “premiums” dengan perkataan “levies”.

Pindaan seksyen 73**38.** Akta ibu dipinda dengan menggantikan seksyen 73 dengan seksyen yang berikut:**“Pengiraan levi tahunan berkenaan dengan anggota penanggung insurans****73.** (1) Levi tahunan hendaklah dikira seperti yang berikut:

- (a) kadar levi yang terpakai bagi setiap anggota penanggung insurans hendaklah berdasarkan apa-apa kriteria yang ditetapkan dalam peraturan-peraturan;

- (b) berkenaan dengan anggota penanggung insurans yang menjalankan perniagaan takaful keluarga atau insurans hayat, levi tahunan yang kena dibayar oleh anggota penanggung insurans itu hendaklah dikira berdasarkan asas yang dinyatakan dalam perenggan (c) dan mengikut apa-apa cara yang ditentukan oleh Perbadanan;
- (c) bagi maksud perenggan (b), levi tahunan hendaklah berdasarkan penilaian aktuari liabiliti takaful keluarga atau liabiliti insurans hayat pada 31 Disember tahun taksiran yang sebelumnya berkenaan dengan semua atau mana-mana jenis atau perihalan manfaat takaful atau insurans atau apa-apa sijil takaful keluarga atau polisi insurans hayat sebagaimana yang ditentukan oleh Perbadanan;
- (d) berkenaan dengan anggota penanggung insurans yang menjalankan perniagaan takaful am atau insurans am, levi tahunan yang kena dibayar oleh anggota penanggung insurans itu hendaklah dikira berdasarkan asas yang dinyatakan dalam perenggan (e) dan mengikut apa-apa cara yang ditentukan oleh Perbadanan;
- (e) bagi maksud perenggan (d), levi tahunan hendaklah berdasarkan jumlah sumbangan bersih atau jumlah premium bersih yang diterima pada tahun taksiran yang sebelumnya berkenaan dengan semua atau mana-mana jenis atau perihalan manfaat takaful atau insurans atau apa-apa sijil takaful am atau polisi insurans am sebagaimana yang ditentukan oleh Perbadanan; dan
- (f) levi tahunan berkenaan dengan manfaat yang dilindungi bagi takaful keluarga, takaful am, polisi hayat dan polisi am hendaklah dikira secara berasingan.

(2) Bagi mengelakkan keraguan, jika liabiliti bagi sijil takaful atau polisi insurans suatu anggota penanggung insurans dipindahkan kepada dan diambil alih oleh anggota penanggung insurans lain, jumlah sumbangan bersih atau jumlah premium bersih yang diterima oleh anggota penanggung insurans pemindah berkenaan dengan liabiliti itu pada tahun

taksiran yang sebelumnya hendaklah disifatkan diterima oleh anggota penanggung insurans penerima pindahan pada tahun taksiran sebelumnya dan levi tahunan hendaklah dibayar oleh anggota penanggung insurans penerima pindahan dengan sewajarnya.

(3) Levi yang kena dibayar oleh suatu anggota penanggung insurans hendaklah berdasarkan kepada penyata yang diperaku oleh ketua eksekutif anggota penanggung insurans itu dan dikemukakan mengikut apa-apa bentuk dan dalam apa-apa tempoh sebagaimana yang dikehendaki oleh Perbadanan.”.

Pindaan seksyen 74

39. Seksyen 74 Akta ibu dipinda dengan menggantikan perkataan “premium” di mana-mana jua terdapat dengan perkataan “levi”.

Pindaan seksyen 75

40. Seksyen 75 Akta ibu dipinda—

(a) dalam nota bahu, dengan menggantikan perkataan “**premium**” dengan perkataan “**levi**”;

(b) dengan menggantikan subseksyen (1) dengan subseksyen yang berikut:

“(1) Walau apa pun bayaran levi pertama berkenaan dengan tahun taksiran pertama atau levi tahunan berkenaan dengan mana-mana tahun taksiran tertentu, Perbadanan boleh mentaksirkan dan memungut suatu surcay levi daripada anggota penanggung insurans berkenaan dengan tahun taksiran itu atau mana-mana bahagiannya mengikut seksyen ini.”;

(c) dengan menggantikan subseksyen (2) dengan subseksyen yang berikut:

“(2) Surcay levi yang kena dibayar oleh anggota penanggung insurans di bawah subseksyen (1) dalam mana-mana tahun taksiran tertentu tidak boleh melebihi levi yang kena dibayar oleh anggota penanggung insurans itu berkenaan dengan tahun taksiran yang sebelumnya atau satu juta ringgit, mengikut mana-mana yang lebih tinggi.”;

(d) dalam subseksyen (3)—

(i) dengan memotong perenggan (a);

(ii) dalam perenggan (b)—

(A) dengan memasukkan selepas perkataan “pemberitahuan,” perkataan “arahan,”; dan

(B) dengan memasukkan sebelum perkataan “perlindungan” perkataan “sistem”; dan

(iii) dalam perenggan (d)—

(A) dengan memasukkan selepas perkataan “liabiliti takaful atau insurans” perkataan “, atau sumbangan bersih”; dan

(B) dengan menggantikan perkataan “apa-apa pentaksiran premium” dengan perkataan “apa-apa pentaksiran levi”; dan

(e) dalam perenggan (3)(A) dan (B) dan subseksyen (4), (5), (6) dan (7), dengan menggantikan perkataan “premium” di mana-mana jua terdapat dengan perkataan “levi”.

Pindaan seksyen 76

41. Akta ibu dipinda dengan menggantikan seksyen 76 dengan seksyen yang berikut:

“Caj lampau tempoh berkenaan dengan anggota penanggung insurans

76. Jika mana-mana levi atau surcay levi yang terhutang dan kena dibayar di bawah seksyen 71, 72 atau 75 belum dibayar oleh anggota penanggung insurans pada tarikh kena dibayar, levi atau surcay levi yang belum dibayar itu hendaklah, tanpa penyampaian notis lanjutan kepada anggota penanggung insurans itu, dinaikkan ke suatu jumlah yang ditetapkan dalam peraturan-peraturan levi yang belum dibayar.”.

Pindaan seksyen 77**42. Seksyen 77 Akta ibu dipinda—**

- (a) dalam nota bahu, dengan menggantikan perkataan “**premium**” dengan perkataan “**levi**”; dan
- (b) dengan menggantikan perkataan “premium” di mana-mana jua terdapat dengan perkataan “levi”.

Pindaan seksyen 78**43. Seksyen 78 Akta ibu dipinda—**

- (a) dalam nota bahu, dengan menggantikan perkataan “**Premium**” dengan perkataan “**Levi**”; dan
- (b) dengan menggantikan perkataan “premium” di mana-mana jua terdapat dengan perkataan “levi”.

Seksyen baharu 78A**44. Akta ibu dipinda dengan memasukkan selepas seksyen 78 di bawah Bab 3 Bahagian V seksyen yang berikut:****“Takrif****78A. Bagi maksud Bab ini—**

- (a) “nilai polisi hayat itu” ertinya nilai sebagaimana yang ditetapkan di bawah subseksyen 83(3);
- (b) “nilai sijil takaful keluarga itu” ertinya nilai sebagaimana yang ditetapkan di bawah subseksyen 83(2); dan
- (c) “sumbangan takaful” ertinya amaun yang kena dibayar oleh pemunya sijil kepada pengendali takaful di bawah suatu sijil takaful dan termasuklah apa-apa saraan bagi fungsi dan kewajipan yang diambil alih oleh pengendali takaful itu.”.

Pindaan seksyen 80

45. Seksyen 80 Akta ibu dipinda—

(a) dalam subseksyen (1)—

- (i) dengan memotong perkataan “Tertakluk kepada subseksyen (4),”; dan
- (ii) dalam teks bahasa Inggeris, dengan menggantikan perkataan “Corporation” dengan perkataan “The Corporation”;

(b) dengan memotong subseksyen (4); dan

(c) dalam subseksyen (5)—

- (i) dengan menggantikan perkataan “penilaian rizab aktuari” di mana-mana jua terdapat dengan perkataan “nilai sijil takaful keluarga itu atau nilai polisi hayat itu”; dan
- (ii) dalam subperenggan (b)(ii) dalam teks bahasa Inggeris, dengan menggantikan perkataan “acturial valuation reserve” dengan perkataan “value of those family takaful certificates or value of those life policies”.

Pindaan seksyen 83

46. Seksyen 83 Akta ibu dipinda dengan menggantikan subseksyen (2) dan (3) dengan subseksyen yang berikut:

“(2) Jika suatu sijil terhenti berkuat kuasa di bawah subseksyen (1), pemunya sijil adalah layak untuk menuntut sebagai hutang yang kena dibayar kepadanya oleh anggota penanggung insurans disebabkan oleh sijil itu—

- (a) berkenaan dengan sijil takaful amnya, pemulangan sebahagian daripada sumbangan takaful yang sepadan dengan baki tempoh sijil takaful itu;
- (b) berkenaan dengan sijil takaful keluarganya, nilai sijil takaful keluarga itu;
- (c) nilai pelaburan atau simpanan yang dipegang secara berasingan berkenaan dengan sijil takaful itu; atau

(d) apa-apa pemulangan atau amaun lain,

yang hendaklah dipastikan atas apa-apa asas sebagaimana yang ditetapkan oleh Perbadanan.

(3) Jika suatu polisi terhenti berkuat kuasa di bawah subseksyen (1), pemunya polisi adalah layak untuk menuntut sebagai hutang yang kena dibayar kepadanya oleh anggota penanggung insurans disebabkan oleh polisi itu—

(a) berkenaan dengan polisi amnya, pemulangan sebahagian daripada premium yang sepadan dengan baki tempoh polisi itu;

(b) berkenaan dengan polisi hayatnya, nilai polisi hayat itu;

(c) nilai pelaburan atau simpanan yang dipegang secara berasingan berkenaan dengan polisi itu; atau

(d) apa-apa pemulangan atau amaun lain,

yang hendaklah dipastikan atas apa-apa asas sebagaimana yang ditetapkan oleh Perbadanan.”.

Pindaan seksyen 84

47. Seksyen 84 Akta ibu dipinda dengan menggantikan subseksyen (3) dan (4) dengan subseksyen yang berikut:

“(3) Jika mana-mana syarat yang dinyatakan dalam subseksyen (1) dan (2) tidak dipenuhi, amaun bayaran wajib hendaklah berdasarkan kepada nilai sijil takaful keluarga itu atau nilai polisi hayat itu berkenaan dengan sijil takaful keluarga atau polisi hayat.

(4) Jika pemunya sijil atau pemunya polisi menyerahkan sijil takaful keluarga atau polisi hayatnya sebelum tarikh perintah penggulangan, amaun bayaran wajib hendaklah dikira berdasarkan nilai serahan sijil takaful keluarga atau polisi hayat itu pada masa serahan.”.

Pindaan seksyen 85

48. Seksyen 85 Akta ibu dipinda dengan menggantikan subseksyen (4) dengan subseksyen yang berikut:

“(4) Jika mana-mana syarat yang dinyatakan dalam subseksyen (2) dan (3) tidak dipenuhi, amaun bayaran wajib hendaklah berdasarkan amaun yang sepatutnya kena dibayar sebagai hutang yang kena dibayar kepada pemunya sijil atau pemunya polisi pada tarikh sijil takaful atau polisi itu terhenti berkuat kuasa sebagai pemulangan sebahagian daripada sumbangan takaful atau premium yang sepadan dengan baki tempoh sijil takaful atau polisi itu.”.

Pindaan seksyen 90

49. Perenggan 90(3)(b) Akta ibu dipinda dengan menggantikan perkataan “suatu amaun yang bersamaan dengan penilaian rizab aktuari polisi hayat” dengan perkataan “nilai sijil takaful keluarga itu atau nilai polisi hayat itu”.

Pemotongan seksyen 94

50. Akta ibu dipinda dengan memotong seksyen 94.

Pindaan seksyen 95

51. Perenggan 95(a) Akta ibu dipinda dengan menggantikan perkataan “seksyen 69 Akta Bank dan Institusi Kewangan 1989, seksyen 31 Akta Bank Islam 1983, seksyen 99 Akta Insurans 1996 atau seksyen 33 Akta Takaful 1984” dengan perkataan “seksyen 146 Akta Perkhidmatan Kewangan 2013 atau seksyen 158 Akta Perkhidmatan Kewangan Islam 2013”.

Pindaan seksyen 96

52. Perenggan 96(2)(b) Akta ibu dipinda dengan menggantikan perkataan “premium atau liabiliti takaful atau insuransnya” dengan perkataan “premium, levi, liabiliti deposit, liabiliti takaful atau liabiliti insuransnya”.

Pindaan seksyen 99**53. Seksyen 99 Akta ibu dipinda—**

(a) dalam subseksyen (1)—

- (i) dalam perenggan (c), dengan memotong perkataan “dan membayar kos, caj dan perbelanjaan Perbadanan atau orang dilantik, termasuk saraan orang dilantik, daripada aset institusi anggota itu mendahului semua tuntutan lain;”;
- (ii) dalam perenggan (g), dengan memotong perkataan “atau” di hujung perenggan itu; dan
- (iii) dengan memasukkan selepas perenggan (g) perenggan yang berikut:

“(ga) dengan kelulusan Menteri, melalui suatu perintah secara bertulis, memindahkan semua atau mana-mana yang berikut:

- (i) syer dan surat cara modal yang dikeluarkan oleh institusi anggota; atau
- (ii) waran atau hak di bawah apa-apa surat cara yang dikeluarkan oleh institusi anggota yang memberi hak kepada pemegangnya untuk memperoleh syer dalam institusi anggota,

kepada mana-mana orang, selain Perbadanan dan mana-mana subsidiari Perbadanan, menurut peruntukan yang berhubungan dengan pemindahan wajib syer dalam Bab 2A; atau”;

(b) dengan memasukkan selepas subseksyen (1) subseksyen yang berikut:

“(1A) Jika Perbadanan menjalankan mana-mana kuasa di bawah subseksyen (1), institusi anggota hendaklah membayar kos, caj dan perbelanjaan Perbadanan atau orang dilantik, termasuk saraan orang dilantik, daripada aset institusi anggota itu mendahului semua tuntutan lain.”;

- (c) dalam perenggan (3)(b), dengan menggantikan perkataan “peminjamnya” dengan perkataan “syer peminjam di bawah apa-apa perkiraan pinjaman dan peminjaman syer,”; dan
- (d) dengan memasukkan selepas subseksyen (6) subseksyen yang berikut:

“(7) Apa-apa penjalanan kuasa Perbadanan di bawah Bahagian ini yang menjejaskan mana-mana pengarah, pegawai atau pekerja suatu institusi anggota, termasuk pemecatan seorang pengarah, pegawai atau pekerja institusi anggota atau pengubahan atau penamatan kontrak perkhidmatan mana-mana pengarah, pegawai atau pekerja institusi anggota, adalah menurut undang-undang dan sah walau apa pun apa-apa jua yang terkandung dalam mana-mana kontrak perkhidmatan atau kontrak atau perjanjian lain, sama ada secara tersurat atau tersirat, sama ada secara berseorangan atau kolektif, dan sama ada dibuat atau tidak dibuat atau diperuntukkan atau tidak diperuntukkan di bawah mana-mana undang-undang bertulis, dan seseorang yang dipecat daripada jawatannya atau yang kontrak perkhidmatannya diubah atau ditamatkan, tidak berhak untuk menuntut apa-apa pampasan bagi kehilangan atau penamatan jawatan itu.”.

Pindaan seksyen 104

54. Seksyen 104 Akta ibu dipinda dengan memasukkan selepas subseksyen (2) subseksyen yang berikut:

“(2A) Jika Perbadanan membuat suatu pemindahan yang disebut dalam perenggan 99(1)(ga) atau menghapuskan hak yang disebut dalam perenggan 128B(7)(b), suatu permohonan untuk mengkaji semula mengikut Jadual Pertama ialah satu-satunya cara untuk mempersoalkan amaun balasan yang diterima atau boleh diterima dalam pemindahan itu atau amaun pampasan yang diterima atau boleh diterima berkenaan dengan hak yang dihapuskan itu, dan tiada mahkamah yang boleh mendengar apa-apa tindakan, guaman atau prosiding yang bertujuan untuk mempersoalkan amaun balasan atau pampasan itu.

(2B) Suatu transaksi atau siri transaksi yang disebut dalam subseksyen 103(1) atau suatu pemindahan yang disebut dalam perenggan 99(1)(ga) atau suatu penghapusan hak yang disebut dalam perenggan 128B(7)(b) hendaklah berkuat kuasa walaupun apa-apa permohonan atau apa-apa keputusan yang dibuat berkenaan dengan kajian semula di bawah subseksyen (2) dan (2A).”.

Pindaan seksyen 106

55. Subseksyen 106(7) Akta ibu dipinda dengan menggantikan perkataan “Kaedah-Kaedah Mahkamah Tinggi 1980” dengan perkataan “Kaedah-Kaedah Mahkamah 2012 [*P.U. (A) 205/2012*]”.

Pindaan seksyen 109

56. Subseksyen 109(1) Akta ibu dipinda dengan memasukkan selepas perkataan “mengikut mana-mana yang berkenaan” perkataan “, kecuali dengan persetujuan bertulis Perbadanan terlebih dahulu”.

Pindaan seksyen 115

57. Seksyen 115 Akta ibu dipinda—

(a) dengan menggantikan subseksyen (1) dengan subseksyen yang berikut:

“(1) Tertakluk kepada subseksyen (3), tiada apa-apa jua dalam seksyen 109 boleh menghalang penamatan mana-mana perjanjian yang berikut mengikut termanya atau penolakan atau penggunaan amaun yang kena dibayar di bawah perjanjian itu mengikut termanya, iaitu—

(a) suatu perjanjian kewangan yang layak;

(b) suatu derivatif yang diniagakan di—

(i) suatu bursa derivatif, papan derivatif atau pasaran lain yang dikawal selia bagi derivatif;

- (ii) suatu bursa niaga hadapan, papan niaga hadapan atau pasaran lain yang dikawal selia bagi niaga hadapan; atau
 - (iii) suatu bursa opsyen, papan opsyen atau pasaran lain yang dikawal selia bagi opsyen;
- (c) suatu perjanjian untuk—
 - (i) menjelaskan atau menyelesaikan transaksi sekuriti, niaga hadapan, opsyen atau derivatif; atau
 - (ii) bertindak sebagai suatu depository sekuriti; atau
- (d) suatu pinjaman margin setakat yang berkenaan dengan suatu akaun sekuriti atau akaun niaga hadapan yang disenggarakan oleh suatu perantaraan kewangan.”;
- (b) dengan memotong subseksyen (2);
- (c) dalam subseksyen (3), dengan menggantikan perkataan “mana-mana perjanjian yang disebut dalam subseksyen (1)” dengan perkataan “suatu perjanjian kewangan yang layak”;
- (d) dalam subseksyen (4)—
 - (i) dengan menggantikan perkataan “dua perjanjian atau lebih” dengan perkataan “dua atau lebih transaksi kewangan yang layak di bawah suatu perjanjian kewangan yang layak”; dan
 - (ii) dengan menggantikan perkataan “tidak satu pun perjanjian” dengan perkataan “tidak satu pun transaksi kewangan yang layak”;
- (e) dalam subseksyen (5), dengan menggantikan perkataan “suatu perjanjian yang disebut dalam perenggan (1)(i)”

dengan perkataan “suatu perjanjian kewangan yang layak yang berhubungan dengan cagaran kewangan”; dan

- (f) dalam subseksyen (7), dengan menggantikan perkataan “suatu perjanjian yang disebut dalam subseksyen (1)” dengan perkataan “suatu perjanjian kewangan yang layak”.

Pindaan seksyen 120

58. Seksyen 120 Akta ibu dipinda—

- (a) dalam subseksyen (1), dengan memotong perkataan “atau pendaftaran, mengikut yang berkenaan,”;
- (b) dalam perenggan (1)(a), dengan memotong perkataan “atau syarikat kewangan berlesen sebagaimana yang ditakrifkan di bawah seksyen 2 Akta Bank dan Institusi Kewangan 1989”;
- (c) dalam perenggan (1)(b), dengan memotong perkataan “sebagaimana yang ditakrifkan di bawah seksyen 2 Akta Bank Islam 1983”; dan
- (d) dalam subseksyen (2), dengan memotong perkataan “atau pendaftaran”.

Pindaan seksyen 121

59. Seksyen 121 Akta ibu dipinda dengan menggantikan perkataan “Akta Bank dan Institusi Kewangan 1989, Akta Bank Islam 1983, Akta Insurans 1996 atau Akta Takaful 1984” dengan perkataan “Akta Perkhidmatan Kewangan 2013 atau Akta Perkhidmatan Kewangan Islam 2013”.

Pindaan seksyen 127

60. Perenggan 127(2)(a) Akta ibu dipinda dengan menggantikan perkataan “peminjaman” dengan perkataan “pembiayaan”.

Bab baharu 2A Bahagian VII

61. Bahagian VII Akta ibu dipinda dengan memasukkan selepas Bab 2 bab yang berikut:

“Bab 2A

Peruntukan yang berhubungan dengan pemindahan wajib syer

Takrif

128A. Bagi maksud Bab ini—

- (a) “pemindah” ertinya pemegang syer, yang syernya dipindahkan atau akan dipindahkan di bawah perenggan 99(1)(ga);
- (b) “penerima pindahan” ertinya seseorang yang kepadanya syer pemindah dipindahkan atau akan dipindahkan di bawah perenggan 99(1)(ga);
- (c) “perintah pindah milik” ertinya suatu perintah berkenaan dengan pemindahan syer yang disebut dalam perenggan 99(1)(ga) dan termasuklah suatu perintah pindah milik gantian yang disebut dalam seksyen 128D;
- (d) “syer” termasuklah surat cara modal, waran dan hak di bawah apa-apa surat cara lain yang dikeluarkan oleh institusi anggota yang memberi hak kepada pemegangnya untuk memperoleh syer dalam institusi anggota itu;
- (e) “tarikh pindah milik” ertinya tarikh yang dinyatakan pada suatu perintah pindah milik sebagai tarikh yang apa-apa syer dipindahkan atau disifatkan dipindahkan kepada penerima pindahan.

Pemindahan wajib syer

128B. (1) Apa-apa pemindahan syer yang dikeluarkan oleh suatu institusi anggota di bawah perenggan 99(1)(ga) hendaklah dilaksanakan dengan perintah pindah milik yang dikeluarkan oleh Perbadanan mengikut Bab ini.

(2) Jika berdasarkan rekod institusi anggota yang tersedia kepada Perbadanan dalam perjalanan kuasa pemindahan wajib syer terdapat seorang pemindah yang bankrap, Perbadanan hendaklah memberitahu Ketua Pengarah Insolvensi secara bertulis tentang pemindahan itu sebelum pemindahan itu berkuat kuasa dan apa-apa wang atau balasan lain yang boleh diterima berhubung dengan syer pemindah yang bankrap itu hendaklah diletak hak pada Ketua Pengarah Insolvensi.

(3) Jika Perbadanan mengeluarkan perintah pindah milik di bawah Bab ini, Perbadanan hendaklah—

(a) memberitahu hakikat itu dalam *Warta*; dan

(b) memberi notis mengenai perintah pindah milik itu dengan secepat yang dapat dilaksanakan melalui penyiaran dalam sekurang-kurangnya dua surat khabar harian yang disiarkan di Malaysia, yang salah satu daripadanya hendaklah dalam bahasa kebangsaan.

(4) Notis di bawah perenggan (3)(b) hendaklah termasuk perkara yang dinyatakan dalam subperenggan 2A(1) Jadual Pertama.

(5) Perintah pindah milik boleh dalam apa-apa bentuk sebagaimana yang ditentukan oleh Perbadanan dari semasa ke semasa dan hendaklah berkuat kuasa mengikut Bab ini.

(6) Perintah pindah milik yang menyatakan bahawa apa-apa syer yang dikeluarkan oleh suatu institusi anggota yang hendak dipindahkan hendaklah menjadi keterangan muktamad pemindahan itu pada tarikh pindah milik itu.

(7) Perintah pindah milik itu boleh memperuntukkan semua atau mana-mana perkara yang berikut:

(a) pemindahan kepada penerima pindahan bagi semua atau mana-mana syer yang dikeluarkan oleh institusi anggota;

(b) penghapusan hak pemegang waran atau surat cara lain yang dikeluarkan oleh institusi anggota yang memberi hak kepada pemegang untuk memperoleh syer dalam institusi anggota itu;

- (c) penyingkiran daripada senarai rasmi mana-mana pasaran saham bagi syer yang dikeluarkan oleh institusi anggota atau suatu kelas sekuriti tertentu yang dikeluarkan oleh institusi anggota;
 - (d) apa-apa perkara yang bersampingan, berbangkit dan tambahan sebagaimana yang Perbadanan berpendapat perlu untuk memastikan bahawa pemindahan itu berkuat kuasa sepenuhnya, termasuk syarat yang berhubungan dengan pemindahan itu.
- (8) Perintah pindah milik hendaklah memperuntukkan pemindahan apa-apa syer yang dikeluarkan oleh institusi anggota untuk berkuat kuasa bebas daripada apa-apa amanah, liabiliti, tuntutan bertentangan atau bebanan lain.

Kesan perintah pindah milik

128c. (1) Jika suatu perintah pindah milik dibuat—

- (a) pemindah tidak dikehendaki untuk memberitahu atau mendapatkan kelulusan pemegang syer atau pemiutang mereka dalam suatu mesyuarat agung atau selainnya, atau mana-mana pihak berkuasa kerajaan, pengawal selia atau mana-mana jua pihak berkuasa lain, atau mana-mana orang lain yang terjejas dengannya walau apa pun apa-apa kontrak, apa-apa jua dalam dokumen konstituen pemindah atau apa-apa jua dalam mana-mana undang-undang termasuk tetapi tidak terhad kepada Akta Syarikat 1965, Akta Perkhidmatan Kewangan 2013 dan Akta Perkhidmatan Kewangan Islam 2013;
- (b) penerima pindahan tidak dikehendaki untuk membuat suatu tawaran mengambil alih atau dikehendaki untuk memperoleh syer pemegang syer lain institusi anggota atau syer peminjam di bawah apa-apa perkiraan pinjaman dan peminjaman syer, walau apa pun apa-apa kontrak atau apa-apa jua dalam mana-mana undang-undang; dan

(c) tertakluk kepada subseksyen (2)—

- (i) tiada seorang pun boleh menamatkan atau meminda apa-apa perjanjian dengan institusi anggota atau menuntut supaya suatu bayaran dipercepat di bawah apa-apa perjanjian sedemikian dengan institusi anggota hanya disebabkan oleh perintah pindah milik yang dibuat atau perubahan dalam pemegang syer yang dikeluarkan oleh institusi anggota;
- (ii) apa-apa terma dalam mana-mana perjanjian tidak mempunyai kuat kuasa atau kesan sekiranya ia mempunyai kesan untuk memperuntukkan bagi, atau membenarkan, apa-apa jua pun yang, pada matannya, bertentangan dengan subperenggan (i); dan
- (iii) apa-apa terma dalam mana-mana perjanjian tidak mempunyai kuat kuasa atau kesan sekiranya ia memperuntukkan, pada matannya, bahawa institusi anggota itu terhenti mempunyai hak untuk menggunakan atau berurusan dengan aset yang jika tidak institusi anggota akan mempunyai hak itu pada masa perintah pindah milik itu dibuat atau perubahan dalam pemegang syer yang dikeluarkan oleh institusi anggota.

(2) Penguatkuasaan oleh pihak-pihak atas hak mereka di bawah perjanjian kewangan yang layak tidak akan terjejas oleh suatu perintah pindah milik yang dibuat bagi pemindahan semua atau mana-mana syer yang dikeluarkan oleh institusi anggota.

(3) Perbadanan boleh, dengan kelulusan Bank Negara Malaysia, dalam menjalankan kuasanya di bawah perenggan 99(1)(ga), melalui notis secara bertulis—

- (a) memecat daripada jawatan, berkuat kuasa dari apa-apa tarikh sebagaimana yang dinyatakan dalam notis itu, mana-mana pengarah, pegawai atau pekerja institusi anggota;

(b) mengubah atau menamatkan kontrak perkhidmatan mana-mana pengarah, pegawai atau pekerja institusi anggota itu, sebagaimana yang dinyatakan dalam notis itu; atau

(c) melantik mana-mana orang sebagai pengarah, pegawai atau pekerja institusi anggota tertakluk kepada apa-apa terma dan syarat sebagaimana yang ditentukan oleh Perbadanan.

(4) Sebelum menjalankan kuasanya di bawah subseksyen (3), Perbadanan hendaklah memberi pengarah, pegawai atau pekerja institusi anggota itu peluang untuk membuat representasi.

(5) Bagi mengelakkan keraguan, jika Perbadanan menjalankan kuasanya di bawah subseksyen (3), Perbadanan, institusi anggota atau penerima pindahan tidak boleh dinamakan sebagai suatu pihak dalam apa-apa tuntutan atau permohonan yang dibuat atau ditambahkan sebagai suatu pihak dalam apa-apa prosiding yang dimulakan atau diteruskan oleh atau bagi pihak mana-mana pengarah, pegawai atau pekerja institusi anggota itu menurut Akta Perhubungan Perusahaan 1967 atau Akta Kerja 1955.

(6) Suatu perintah pindah milik boleh menghendaki atau membenarkan—

(a) pemindah untuk memberikan maklumat dan bantuan kepada penerima pindahan atau Perbadanan; atau

(b) penerima pindahan untuk memberikan maklumat dan bantuan kepada pemindah atau Perbadanan.

(7) Mana-mana orang dalam mematuhi perintah pindah milik bagi maksud subseksyen (6) tidak boleh dianggap sebagai melanggar mana-mana undang-undang, kontrak, perjanjian atau perkiraan.

(8) Perintah pindah milik yang dikeluarkan mengikut Bab ini adalah muktamad dan mengikat semua orang yang baginya perintah pindah milik itu dibuat atau yang terjejas oleh perintah pindah milik itu tidak kira bahawa orang itu tidak mengetahui mengenai apa-apa hal keadaan yang

menyebabkan perintah pindah milik itu dibuat, atau tidak mempunyai peluang untuk didengar oleh, atau untuk membuat apa-apa representasi kepada, Perbadanan berhubung dengan perintah pindah milik itu.

(9) Bab ini hendaklah mempunyai kuat kuasa dan kesan sepenuhnya walau apa pun—

- (a) apa-apa yang terkandung dalam mana-mana undang-undang yang berhubungan dengan syer dan pengarah, pegawai dan pekerja institusi anggota termasuk undang-undang yang dengannya atau di bawahnya institusi anggota itu dibentuk, ditubuhkan, diperbadankan atau didaftarkan; atau
- (b) apa-apa yang terkandung dalam dokumen konstituen institusi anggota atau dalam mana-mana kontrak yang dibuat oleh atau bagi pihak institusi anggota itu atau dalam mana-mana kontrak yang menyentuh syer yang dikeluarkan oleh atau selainnya yang berhubungan dengan institusi anggota itu.

Perintah pindah milik gantian

128D. (1) Perbadanan boleh mengeluarkan suatu perintah pindah milik gantian untuk menggantikan mana-mana perintah pindah milik yang telah dikeluarkan sebelumnya bagi maksud membetulkan apa-apa peninggalan atau khilaf dalam perintah pindah milik itu.

(2) Apa-apa perintah pindah milik gantian yang dikeluarkan oleh Perbadanan di bawah subseksyen (1) yang menyatakan bahawa mana-mana syer yang dikeluarkan oleh institusi anggota telah dipindahkan kepada penerima pindahan hendaklah menjadi keterangan muktamad mengenai pemindahan itu pada tarikh pindah milik yang dinyatakan dalam perintah pindah milik gantian itu.

(3) Apa-apa perbuatan yang dilakukan oleh penerima pindahan, pemindah atau mana-mana orang lain, dengan bergantung kepada suatu perintah pindah milik yang dikeluarkan terdahulu tidaklah terjejas oleh mana-mana peninggalan atau khilaf yang dibetulkan dalam suatu perintah pindah milik gantian yang dikeluarkan di bawah subseksyen (1).”.

Seksyen baharu 128E

62. Bab 3 Bahagian VII Akta ibu dipinda dengan memasukkan sebelum seksyen 129 seksyen yang berikut:

“Takrif

128E. Bagi maksud Bab ini—

- (a) “perniagaan hayat” ertinya perniagaan yang mengaku janji liabiliti di bawah polisi hayat; dan
- (b) “perniagaan takaful keluarga” ertinya perniagaan yang berhubungan dengan pentadbiran, pengurusan dan operasi suatu perkiraan takaful di bawah sijil takaful keluarga.”.

Pindaan seksyen 129

63. Seksyen 129 Akta ibu dipinda dengan memotong perkataan “dan seksyen 114 Akta Insurans 1996,”.

Pindaan seksyen 130

64. Seksyen 130 Akta ibu dipinda dengan menggantikan perkataan “seseorang selain Bank Negara Malaysia” dengan perkataan “mana-mana orang”.

Seksyen baharu 131A dan 131B

65. Akta ibu dipinda dengan memasukkan selepas seksyen 131 seksyen yang berikut:

“Penerusan perniagaan takaful keluarga

131A. (1) Walau apa pun seksyen 83 Akta ini dan perenggan 236(1)(a) Akta Syarikat 1965, pelikuidasi pengendali takaful yang menjalankan perniagaan takaful keluarga—

- (a) boleh menjalankan perniagaan takaful keluarga pengendali takaful itu dengan tujuan untuk perniagaan itu dipindahkan sebagai perniagaan yang sudah berjalan kepada pengendali takaful lain tetapi tidak boleh mengeluarkan sijil takaful baru; dan

(b) tertakluk kepada subseksyen (3), boleh memindahkan aset dan liabiliti pengendali takaful kepada pengendali takaful yang lain atau institusi perantaraan, termasuk liabiliti di bawah sijil takaful keluarga yang berpunca daripada pengendali takaful yang pertama disebut dan kumpulan wang takaful yang diuruskan oleh pengendali takaful yang pertama disebut dan Penggal 4 Bahagian VII Akta Perkhidmatan Kewangan Islam 2013 hendaklah terpakai bagi pemindahan itu.

(2) Aset dan liabiliti pengendali takaful yang disebut dalam subseksyen (1) ialah aset dan liabiliti kumpulan wang takaful dan kumpulan wang pemegang syer.

(3) Pelikuidasi boleh, bagi maksud pemindahan di bawah perenggan (1)(b), memohon kepada Mahkamah Tinggi bagi suatu perintah untuk mengurangkan—

(a) amaun liabiliti di bawah sijil takaful keluarga pengendali takaful itu; atau

(b) amaun liabiliti lain kumpulan wang takaful,

dan Mahkamah Tinggi boleh mengurangkan liabiliti itu setakat yang perlu dengan mempertimbangkan nilai aset sedia ada dalam kumpulan wang takaful dan kumpulan wang pemegang syer tertakluk kepada apa-apa syarat yang pada pendapat Mahkamah Tinggi adalah patut.

Penerusan perniagaan hayat

131B. (1) Walau apa pun seksyen 83 Akta ini dan perenggan 236(1)(a) Akta Syarikat 1965, pelikuidasi syarikat insurans yang menjalankan perniagaan hayat—

(a) boleh menjalankan perniagaan hayat syarikat insurans itu dengan tujuan untuk perniagaan itu dipindahkan sebagai perniagaan yang sudah berjalan kepada syarikat insurans yang lain tetapi tidak boleh mengeluarkan polisi baharu; dan

(b) tertakluk kepada subseksyen (3), boleh memindahkan aset dan liabiliti syarikat insurans itu kepada syarikat insurans yang lain atau institusi perantaraan, termasuk liabiliti di bawah polisi hayat dan Penggal 4 Bahagian VI Akta Perkhidmatan Kewangan 2013 hendaklah terpakai bagi pemindahan itu.

(2) Aset dan liabiliti syarikat insurans yang disebut dalam subseksyen (1) ialah aset dan liabiliti kumpulan wang insurans dan kumpulan wang pemegang syer.

(3) Pelikuidasi boleh, bagi maksud pemindahan di bawah perenggan (1)(b), memohon kepada Mahkamah Tinggi bagi suatu perintah untuk mengurangkan—

(a) amaun liabiliti di bawah polisi hayat syarikat insurans itu; atau

(b) amaun liabilitinya yang lain,

dan Mahkamah Tinggi boleh mengurangkan liabiliti itu setakat yang perlu dengan mempertimbangkan nilai aset sedia ada syarikat insurans tertakluk kepada apa-apa syarat yang pada pendapat Mahkamah Tinggi adalah patut.”.

Pindaan seksyen 132

66. Seksyen 132 Akta ibu dipinda—

(a) dalam subseksyen (1), dengan memotong perkataan “, kecuali jika petisyen itu dikemukakan oleh Bank Negara Malaysia,”;

(b) dalam perenggan (2)(b), dengan memotong perkataan “selain yang dikemukakan oleh Bank Negara Malaysia”; dan

(c) dalam subseksyen (3), dengan memotong perkataan “dan kecuali jika petisyen bagi penggulangan dikemukakan oleh Bank Negara Malaysia,”.

Pindaan seksyen 133

67. Seksyen 133 Akta ibu dipinda dengan memotong perkataan “atas suatu petisyen yang dikemukakan oleh seseorang selain Bank Negara Malaysia,”.

Pindaan seksyen 134

68. Akta ibu dipinda dengan menggantikan seksyen 134 dengan seksyen yang berikut:

“Keutamaan pembayaran dalam penggulangan anggota penerima deposit

134. Dalam penggulangan anggota penerima deposit, aset anggota penerima deposit itu hendaklah tersedia untuk menunaikan semua liabiliti anggota penerima deposit itu berkenaan dengan semua deposit di Malaysia dalam keutamaan berbanding semua liabiliti tidak bercagar yang lain anggota penerima deposit itu di Malaysia selain hutang keutamaan yang dinyatakan dalam subseksyen 292(1) Akta Syarikat 1965 dalam turutan yang dinyatakan dalam subseksyen itu dan hutang yang kena dibayar dan tuntutan terhutang kepada Kerajaan di bawah seksyen 10 Akta Prosiding Kerajaan 1956 [*Akta 359*].”.

Seksyen baharu 134A and 134B

69. Akta ibu dipinda dengan memasukkan selepas seksyen 134 seksyen yang berikut:

“Keutamaan pembayaran dalam penggulangan anggota penerima deposit yang menjalankan perniagaan perbankan Islam

134A. (1) Tanpa menjejaskan seksyen 134, dalam penggulangan anggota penerima deposit yang telah diluluskan di bawah perenggan 15(1)(a) Akta Perkhidmatan Kewangan 2013 untuk menjalankan perniagaan perbankan Islam—

(a) aset anggota penerima deposit itu yang diperolehi dalam penjalanan perniagaannya selain perniagaan perbankan Islamnya, hendaklah digunakan untuk

menunaikan liabiliti yang ditanggung dalam penjalanan perniagaannya selain perniagaan perbankan Islam, dalam turutan yang dinyatakan dalam seksyen 134; dan

- (b) jika aset anggota penerima deposit yang disebut dalam perenggan (a) berlebihan selepas pembayaran telah dibuat untuk menunaikan liabilitinya di bawah perenggan (a), apa-apa lebihan aset anggota penerima deposit itu hendaklah digunakan untuk menunaikan liabiliti anggota penerima deposit itu di bawah subseksyen (2).

(2) Tanpa menjejaskan seksyen 134, dalam penggulungan anggota penerima deposit yang telah diluluskan di bawah perenggan 15(1)(a) Akta Perkhidmatan Kewangan 2013 untuk menjalankan perniagaan perbankan Islam—

- (a) aset yang diperoleh oleh anggota penerima deposit dalam penjalanan perniagaan perbankan Islamnya—

- (i) tidak tertakluk kepada hutang anggota penerima deposit kecuali berkenaan dengan perniagaan perbankan Islam atau sebagaimana yang diperuntukkan dalam perenggan (b); dan

- (ii) hendaklah tersedia untuk menunaikan semua liabiliti anggota penerima deposit itu berkenaan dengan deposit Islamnya di Malaysia dalam keutamaan daripada semua liabiliti tidak bercagar yang lain yang ditanggung dalam penjalanan perniagaan perbankan Islamnya, selain hutang keutamaan yang dinyatakan dalam subseksyen 292(1) Akta Syarikat 1965 dalam turutan yang dinyatakan dalam subseksyen itu dan hutang yang kena dibayar dan tuntutan terhutang kepada Kerajaan di bawah seksyen 10 Akta Prosiding Kerajaan 1956, yang berpunca daripada perniagaan perbankan Islamnya sebagaimana yang ditentukan oleh Perbadanan dan aturan keutamaan bagi pembayaran kategori yang berlainan bagi deposit Islam boleh ditetapkan melalui peraturan-peraturan yang dibuat di bawah seksyen 209; dan

- (b) jika aset anggota penerima deposit yang disebut dalam perenggan (a) berlebihan selepas pembayaran dibuat untuk menunaikan liabilitinya di bawah subperenggan (a)(ii), apa-apa lebihan aset anggota penerima deposit itu hendaklah digunakan untuk menunaikan liabiliti anggota penerima deposit itu termasuk liabiliti anggota penerima deposit di bawah seksyen 134 dalam aturan keutamaan yang dinyatakan di dalamnya.

(3) Walau apa pun subperenggan (2)(a)(ii), peraturan-peraturan boleh ditetapkan di bawah seksyen 209 untuk menentukan dan mengelaskan aset yang tersedia dan penggunaan hasil pelupusan aset itu bagi menunaikan mana-mana atau mana-mana bahagian liabiliti anggota penerima deposit itu.

Keutamaan pembayaran dalam penggulangan anggota penerima deposit yang merupakan bank Islam

134B. (1) Dalam penggulangan anggota penerima deposit yang merupakan bank Islam di dalam atau di luar Malaysia, aset anggota penerima deposit itu hendaklah tersedia untuk menunaikan semua liabiliti anggota penerima deposit itu berkenaan dengan deposit Islamnya di Malaysia dalam keutamaan daripada semua liabiliti tidak bercagar lain anggota penerima deposit itu selain hutang keutamaan yang dinyatakan dalam subseksyen 292(1) Akta Syarikat 1965 dalam turutan yang dinyatakan dalam subseksyen itu dan hutang yang kena dibayar dan tuntutan terhutang kepada Kerajaan di bawah seksyen 10 Akta Prosiding Kerajaan 1956 dan aturan keutamaan bagi pembayaran kategori yang berlainan bagi deposit Islam boleh ditetapkan melalui peraturan-peraturan yang dibuat di bawah seksyen 209.

(2) Walau apa pun subseksyen (1), peraturan-peraturan boleh ditetapkan di bawah seksyen 209 untuk menentukan dan mengelaskan aset yang tersedia dan penggunaan hasil pelupusan aset itu bagi menunaikan mana-mana atau mana-mana bahagian liabiliti anggota penerima deposit itu.”.

Pindaan seksyen 135

70. Seksyen 135 Akta ibu dipinda dengan memotong subseksyen (2).

Pemotongan seksyen 140, 141 dan 142

71. Akta ibu dipinda dengan memotong seksyen 140, 141 dan 142.

Seksyen baharu 142A, 142B dan 142C

72. Akta ibu dipinda dengan memasukkan selepas seksyen 142 sebagaimana yang dipotong seksyen yang berikut:

“Keutamaan pembayaran dalam penggulangan pengendali takaful

142A. (1) Dalam penggulangan pengendali takaful, aset suatu kumpulan wang takaful bagi apa-apa kelas atau perihalan perniagaan takaful yang ditubuhkan di bawah Akta Perkhidmatan Kewangan Islam 2013 hendaklah digunakan untuk menunaikan liabiliti kepada pemunya sijil atau penuntut yang sepatutnya berkenaan dengan kumpulan wang takaful itu dan liabiliti itu hendaklah mempunyai keutamaan atas semua liabiliti tidak bercagar kumpulan wang takaful itu termasuk apa-apa *qard* atau apa-apa bentuk sokongan kewangan lain yang disebut dalam Akta Perkhidmatan Kewangan Islam 2013, selain apa-apa cukai yang dinyatakan dalam perenggan 292(1)(f) Akta Syarikat 1965 yang berpunca daripada kumpulan wang takaful.

(2) Dalam penggulangan pengendali takaful—

(a) jika aset suatu kumpulan wang takaful yang diuruskan oleh pengendali takaful berlebihan, selepas pembayaran telah dibuat untuk menunaikan liabilitinya di bawah subseksyen (1), lebihan aset kumpulan wang takaful itu hendaklah digunakan dalam turutan yang berikut:

(i) pertama, untuk menunaikan liabiliti kumpulan wang takaful lain yang diuruskan oleh pengendali takaful yang tidak mencukupi dan sekiranya bagi

maksud ini terdapat dua atau lebih kumpulan wang takaful—

- (A) yang berlebihan, lebih itu hendaklah digunakan mengikut kadar lebih dalam setiap kumpulan wang takaful untuk menunaikan liabiliti kumpulan wang takaful yang tidak mencukupi; atau
 - (B) yang tidak cukup, lebih itu hendaklah digunakan mengikut kadar amaun yang tidak mencukupi itu untuk menunaikan liabiliti kumpulan wang takaful yang tidak mencukupi; dan
- (ii) kedua, apa-apa maksud lain sebagaimana yang ditetapkan oleh Perbadanan;
- (b) apa-apa ketidakcukupan dalam aset suatu kumpulan wang takaful untuk menunaikan liabilitinya di bawah subseksyen (1) akan ditunaikan—
- (i) pertama, sebagaimana yang diperuntukkan dalam perenggan (a), dengan lebih aset kumpulan wang takaful lain; dan
 - (ii) sekiranya lebih aset itu tidak mencukupi untuk menunaikan liabiliti itu maka baki liabiliti itu hendaklah dipenuhi dengan lebih aset kumpulan wang pemegang syer selepas pembayaran telah dibuat untuk menunaikan liabiliti kumpulan wang pemegang syer itu di bawah subseksyen (3); atau
- (c) menurut subperenggan (b)(ii), jika aset kumpulan wang pemegang syer berlebihan, lebih aset itu hendaklah digunakan untuk menunaikan liabiliti mana-mana kumpulan wang takaful yang tidak mencukupi, dan sekiranya lebih aset itu digunakan untuk menunaikan liabiliti dua atau lebih kumpulan wang takaful yang asetnya tidak mencukupi, lebih aset itu hendaklah digunakan mengikut kadar amaun yang tidak mencukupi itu.

(3) Dalam penggulangan pengendali takaful, aset kumpulan wang pemegang syernya hendaklah digunakan untuk menunaikan liabiliti kepada pemunya sijil setakat yang berpunca daripada kumpulan wang pemegang syer itu dan liabiliti itu hendaklah mempunyai keutamaan atas semua liabiliti tidak bercagar pengendali takaful, selain hutang keutamaan yang dinyatakan dalam subseksyen 292(1) Akta Syarikat 1965 dan hutang yang kena dibayar dan tuntutan terhutang kepada Kerajaan di bawah seksyen 10 Akta Prosiding Kerajaan 1956.

Keutamaan pembayaran dalam penggulangan syarikat insurans

142B. (1) Dalam penggulangan syarikat insurans, aset suatu kumpulan wang insurans hendaklah digunakan untuk menunaikan liabilitinya kepada pemunya polisi dan penuntut di bawah polisi kumpulan wang itu dan liabiliti ini hendaklah mempunyai keutamaan atas liabiliti tidak bercagar kumpulan wang itu, selain hutang keutamaan yang dinyatakan dalam subseksyen 292(1) Akta Syarikat 1965 dan hutang yang kena dibayar dan tuntutan terhutang kepada Kerajaan di bawah seksyen 10 Akta Prosiding Kerajaan 1956, setakat yang ia dikadarkan kepada kumpulan wang insurans.

(2) Tertakluk kepada subseksyen (1)—

- (a) aset suatu kumpulan wang insurans yang ditubuhkan di bawah Akta Perkhidmatan Kewangan 2013 hendaklah digunakan pertamanya untuk menunaikan liabiliti kumpulan wang itu;
- (b) jika aset suatu kumpulan wang insurans, selain suatu kumpulan wang hayat yang berhubungan dengan polisi hayat sertaan, melebihi liabilitinya, lebihan aset itu boleh digunakan untuk menunaikan liabiliti kumpulan wang insuransnya yang lain yang tidak mencukupi dan sekiranya lebihan aset bagi dua atau lebih kumpulan wang insurans digunakan, lebihan aset itu hendaklah digunakan mengikut kadar atas amaun lebihan itu dan sekiranya lebihan aset itu digunakan untuk menunaikan liabiliti dua atau lebih kumpulan wang insurans yang tidak mencukupi, lebihan aset itu hendaklah digunakan mengikut kadar amaun yang tidak mencukupi itu;

- (c) apa-apa ketidakcukupan yang masih ada selepas penggunaan aset kumpulan wang insurans di bawah perenggan (a) dan (b) hendaklah ditunaikan daripada aset kumpulan wang pemegang syer, dan liabiliti yang tidak dipenuhi kepada pemunya polisi dan penuntut di bawah suatu polisi hendaklah mempunyai keutamaan atas liabiliti tidak bercagar yang lain selain hutang keutamaan yang dinyatakan di bawah subseksyen 292(1) Akta Syarikat 1965 dan hutang yang kena dibayar dan tuntutan terhutang kepada Kerajaan di bawah seksyen 10 Akta Prosiding Kerajaan 1956; dan
- (d) apa-apa aset lain yang dipegang oleh syarikat insurans itu, termasuk lebihan aset dalam suatu kumpulan wang hayat yang berhubungan dengan polisi hayat sertaan, hendaklah digunakan dengan cara sebagaimana yang ditetapkan oleh Perbadanan.

Penilaian aset dan liabiliti suatu pengendali takaful atau syarikat insurans

142c. (1) Dalam penggulangan pengendali takaful, termasuk bekas anggota penanggung insurans yang keanggotaannya telah dibatalkan di bawah seksyen 38 atau ditamatkan di bawah seksyen 39 dan sama ada kumpulan wang pemegang syernya atau mana-mana kumpulan wang takaful yang diuruskan olehnya tidak solven atau tidak, nilai aset dan liabiliti kumpulan wang pemegang syer dan kumpulan wang takaful itu, termasuk liabiliti berkenaan dengan sijil takaful, hendaklah dipastikan atas asas sebagaimana yang ditentukan oleh Perbadanan dan undang-undang yang berhubungan dengan kebangkrapan atau ketidaksolvenan tidak terpakai bagi penilaian liabiliti itu.

(2) Dalam penggulangan apa-apa syarikat insurans, termasuk bekas anggota penanggung insurans yang keanggotaannya telah dibatalkan di bawah seksyen 38 atau ditamatkan di bawah seksyen 39 dan sama ada ia tidak solven atau tidak, nilai aset dan liabilitinya, termasuk liabiliti berkenaan dengan polisi, hendaklah dipastikan atas apa-apa asas sebagaimana yang ditentukan oleh Perbadanan dan undang-undang yang berhubungan dengan kebangkrapan atau ketidaksolvenan tidak terpakai bagi penilaian liabiliti itu.”.

Pindaan seksyen 144

73. Seksyen 144 Akta ibu dipinda—

- (a) dalam nota bahu, dengan menggantikan perkataan “**Akta Insurans 1996 dan Akta Takaful 1984**” dengan perkataan “**Akta Perkhidmatan Kewangan 2013 dan Akta Perkhidmatan Kewangan Islam 2013**”;
- (b) dalam subseksyen (1)—
 - (i) dengan memotong perkataan “kecuali jika petisyen itu dikemukakan oleh Bank Negara Malaysia,”;
 - (ii) dengan memotong perenggan (b) dan (c); dan
- (c) dalam subseksyen (2), dengan menggantikan perkataan “seksyen 67 Akta Takaful 1984 dan seksyen 199 Akta Insurans 1996” dengan perkataan “seksyen 268 Akta Perkhidmatan Kewangan 2013 dan seksyen 279 Akta Perkhidmatan Kewangan Islam 2013”.

Pindaan seksyen 145

74. Perenggan 145(b) Akta ibu dipinda dengan menggantikan perkataan “perbadanan” di mana-mana jua terdapat dengan perkataan “orang”.

Pindaan seksyen 146

75. Subseksyen 146(3) Akta ibu dipinda—

- (a) dalam perenggan (a), dengan menggantikan perkataan “amaun” dengan perkataan “had”;
- (b) dalam perenggan (c) dalam teks bahasa Inggeris, dengan menggantikan perkataan “is otherwise” dengan perkataan “otherwise is”;
- (c) dalam perenggan (e), dengan menggantikan perkataan “perbadanan” dengan perkataan “orang”; dan
- (d) dalam perenggan (f), dengan menggantikan perkataan “perbadanan” dengan perkataan “orang”.

Pindaan seksyen 149

76. Seksyen 149 Akta ibu dipinda—

- (a) dalam nota bahu, dengan memasukkan selepas perkataan “**premium**” perkataan “**atau levi**”;
- (b) dengan memasukkan selepas perkataan “premium” di mana-mana jua terdapat perkataan “atau levi”; dan
- (c) dengan menggantikan perkataan “perbadanan yang ditetapkan” di mana-mana jua terdapat dengan perkataan “orang yang ditetapkan”.

Pindaan seksyen 150

77. Seksyen 150 Akta ibu dipinda dengan menggantikan perkataan “perbadanan” di mana-mana jua terdapat dengan perkataan “orang”.

Pindaan seksyen 151

78. Seksyen 151 Akta ibu dipinda—

- (a) dalam nota bahu, dengan memasukkan selepas perkataan “**premium**” perkataan “**atau levi**”; dan
- (b) dengan memasukkan selepas perkataan “premium” perkataan “atau levi”.

Pindaan seksyen 152

79. Seksyen 152 Akta ibu dipinda dengan memasukkan selepas perkataan “premium” perkataan “atau levi”.

Pindaan seksyen 153

80. Seksyen 153 Akta ibu dipinda—

- (a) dengan menggantikan perkataan “apa-apa fi atau premium” di mana-mana jua terdapat dengan perkataan “apa-apa fi, premium atau levi”;

- (b) dengan menggantikan perkataan “perbadanan yang ditetapkan” di mana-mana jua terdapat dengan perkataan “orang yang ditetapkan”;
- (c) dengan menggantikan perenggan (2)(a) dengan perenggan yang berikut:
 - “(a) fi, premium atau levi yang kena dibayar oleh orang yang ditetapkan berkeenaan dengan perlindungan penstabilan bagi tahun yang sebelumnya; atau”;
- (d) dengan memotong perenggan (3)(a);
- (e) dalam perenggan (3)(b), dengan memasukkan selepas perkataan “pemberitahuan,” perkataan “arahan,”; dan
- (f) dalam perenggan (3)(d), dengan memasukkan selepas perkataan “liabiliti manfaat dilindungi” perkataan “, sumbangan bersih”.

Pindaan seksyen 154

81. Seksyen 154 Akta ibu dipinda—

- (a) dengan memasukkan selepas perkataan “premium” perkataan “, levi”; dan
- (b) dengan menggantikan perkataan “perbadanan yang ditetapkan” di mana-mana jua terdapat dengan perkataan “orang yang ditetapkan”.

Pindaan seksyen 155

82. Seksyen 155 Akta ibu dipinda dengan menggantikan perkataan “perbadanan yang ditetapkan” di mana-mana jua terdapat dengan perkataan “orang yang ditetapkan”.

Pindaan seksyen 156

83. Seksyen 156 Akta ibu dipinda—

- (a) dalam subseksyen (3), dengan memasukkan selepas perkataan “premium” perkataan “atau levi”; dan

- (b) dalam perenggan (4)(a) dan (c), dengan memasukkan selepas perkataan “premium” perkataan “atau levi”.

Pindaan seksyen 157

84. Subseksyen 157(2) Akta ibu dipinda dengan menggantikan perkataan “perbadanan yang ditetapkan” di mana-mana jua terdapat dengan perkataan “orang yang ditetapkan”.

Pindaan seksyen 161

85. Subseksyen 161(2) Akta ibu dipinda dalam teks bahasa Inggeris dengan menggantikan perkataan “of” dengan perkataan “over”.

Pindaan seksyen 165

86. Perenggan 165(1)(b) Akta ibu dipinda dengan menggantikan perkataan “dalam borang yang ditetapkan di bawah Akta ini” dengan perkataan “mengikut apa-apa bentuk sebagaimana yang ditentukan oleh Perbadanan”.

Pindaan seksyen 178

87. Subseksyen 178(4) Akta ibu dipinda dengan menggantikan perkataan “pasaran niaga hadapan” dengan perkataan “pasaran derivatif”.

Pindaan seksyen 180

88. Seksyen 180 Akta ibu dipinda—

- (a) dengan memasukkan selepas subseksyen (2) subseksyen yang berikut:

“(2A) Jika seseorang menjadi pihak balas bagi dua atau lebih transaksi kewangan yang layak di bawah suatu perjanjian kewangan yang layak dengan orang terjejas yang sama, konservator hanya boleh memindahkan kepada suatu institusi perantaraan atau

pihak ketiga yang layak semua atau tidak satu pun transaksi kewangan yang layak antara orang terjejas dan orang itu.”; dan

- (b) dalam subseksyen (3), dengan menggantikan perkataan “yang disebut dalam perenggan 115(1)(i) dan terpakai bagi harta” dengan perkataan “yang berhubungan dengan cagaran kewangan yang terpakai bagi apa-apa harta”.

Pindaan seksyen 196

89. Seksyen 196 Akta ibu dipinda dengan menggantikan subseksyen (4) dengan subseksyen yang berikut:

“(4) Bagi maksud seksyen ini, “pengawal” ertinya seseorang yang telah memperoleh suatu kelulusan Menteri di bawah seksyen 88 Akta Perkhidmatan Kewangan 2013 atau seksyen 100 Akta Perkhidmatan Kewangan Islam 2013.”.

Pindaan seksyen 202

90. Subseksyen 202(1) Akta ibu dipinda dengan menggantikan perkataan “Akta Bank dan Institusi-Institusi Kewangan 1989, Akta Bank Islam 1983, Akta Insurans 1996 atau Akta Takaful 1984” dengan perkataan “Akta Perkhidmatan Kewangan 2013 atau Akta Perkhidmatan Kewangan Islam 2013”.

Seksyen baharu 203A

91. Akta ibu dipinda dengan memasukkan selepas seksyen 203 seksyen yang berikut:

“Aktuari bebas

203A. (1) Jika, bagi maksud menjalankan mana-mana kuasa Perbadanan di bawah Bahagian VII berkenaan dengan anggota penanggung insurans atau bayaran yang dibuat di bawah Bab 3 Bahagian V, Perbadanan menyifatkannya sebagai wajar bagi nilai liabiliti berkenaan dengan sijil takaful atau polisi insurans anggota penanggung insurans itu ditentukan, Perbadanan boleh melantik seorang aktuari bebas untuk menentukan nilai itu.

(2) Seorang individu tidak boleh dilantik sebagai aktuari bebas melainkan jika dia memenuhi apa-apa kehendak atau mempunyai apa-apa kelayakan yang dinyatakan dalam mana-mana standard sebagaimana yang ditentukan oleh Bank Negara Malaysia.

(3) Mana-mana pegawai, juruaudit, penerima, pengurus, penerima dan pengurus, pelikuidasi atau ejen, masa sekarang atau dahulu, bagi pengendali takaful atau syarikat insurans yang berkenaan atau mana-mana orang lain hendaklah memberi kepada seorang aktuari bebas apa-apa dokumen, bahan, maklumat atau penjelasan sebagaimana yang aktuari bebas berpendapat patut dipertimbangkan dalam menentukan nilai liabiliti berkenaan dengan sijil takaful atau polisi insurans, anggota penanggung insurans itu.

(4) Nilai liabiliti berkenaan dengan sijil takaful atau polisi insurans anggota penanggung insurans itu yang ditentukan oleh seorang aktuari bebas adalah muktamad dan mengikat.

(5) Kos aktuari bebas, termasuk saraannya sebagaimana yang diluluskan oleh Perbadanan, hendaklah ditanggung oleh anggota penanggung insurans dan dalam keadaan berlaku apa-apa keingkaran pembayaran oleh anggota penanggung insurans itu, hendaklah kena dibayar dengan keutamaan yang sama dan daripada sumber yang sama dengan hutang keutamaan yang disebut dalam subseksyen 142A(3) dan perenggan 142B(2)(c).”.

Pindaan seksyen 204

92. Akta ibu dipinda dengan menggantikan seksyen 204 dengan seksyen yang berikut:

“Niat untuk menggulung institusi anggota

204. (1) Suatu institusi anggota tidak boleh digulungkan secara sukarela tanpa kelulusan bertulis terdahulu Bank Negara Malaysia.

(2) Tiada permohonan untuk menggulung suatu institusi anggota boleh dibuat kepada Mahkamah Tinggi oleh mana-mana orang, selain oleh Perbadanan, tanpa kelulusan bertulis terdahulu Bank Negara Malaysia.

(3) Seksyen ini terpakai bagi bekas institusi anggota yang keanggotaannya telah dibatalkan atau ditamatkan di bawah Akta ini.”.

Seksyen baharu 207A

93. Akta ibu dipinda dengan memasukkan selepas seksyen 207 seksyen yang berikut:

“Pengecualian dari liabiliti

207A. Tiada pengarah suatu institusi anggota boleh bertanggungjawab untuk dibawa guaman dalam mana-mana mahkamah atau di hadapan mana-mana pihak berkuasa lain kerana tidak dapat menjalankan tugasnya di bawah subseksyen 132(1) Akta Syarikat 1965 berhubung dengan mana-mana perbuatan yang perlu bagi—

- (a) pemindahan perniagaan, aset dan liabiliti institusi anggota;
- (b) pemindahan syer dan surat cara modal institusi anggota; dan
- (c) pemindahan waran atau surat cara lain, yang dikeluarkan oleh institusi anggota, yang memberi hak kepada pemegang untuk memperoleh syer dalam institusi anggota,

menurut perjalanan mana-mana kuasa di bawah Akta ini.”.

Pindaan seksyen 209

94. Seksyen 209 Akta ibu dipinda—

- (a) dalam nota bahu, dengan memasukkan selepas perkataan “**undang-undang kecil**,” perkataan “**pemberitahuan**,”;

- (b) dengan memasukkan selepas perkataan “undang-undang kecil,” di mana-mana jua terdapat perkataan “pemberitahuan,”;
- (c) dengan menggantikan subperenggan (3)(d)(i), (ii) dan (iii) dengan subperenggan yang berikut:
 - “(i) jika liabiliti deposit suatu anggota penerima deposit dipindahkan kepada dan diambil alih oleh anggota penerima deposit yang lain;
 - (ii) jika liabiliti deposit dengan suatu anggota penerima deposit akan diperoleh oleh seseorang yang bukan anggota penerima deposit; atau
 - (iii) berhubung dengan draf bank, cek atau surat cara bayaran lain yang seumpama itu atau arahan bayaran atau arahan penjelasan;”;
- (d) dalam perenggan (3)(e), dengan menggantikan perkataan “antara deposit Islam yang berasaskan jagaan dan deposit Islam yang lain” dengan perkataan “kategori deposit Islam yang berlainan”;
- (e) dengan memasukkan selepas perenggan (3)(e) perenggan yang berikut:
 - “(ea) penentuan dan pengelasan aset yang tersedia dan penggunaan hasil pelupusannya berhubung dengan kategori deposit Islam yang berlainan;”;
- (f) dengan memotong perenggan (3)(f); dan
- (g) dalam perenggan (3)(h), dengan menggantikan perkataan “jika seseorang berhak kepada manfaat takaful atau insurans daripada dua atau lebih anggota penanggung insurans yang bergabung dan terus beroperasi sebagai satu anggota penanggung insurans” dengan perkataan “jika liabiliti sijil takaful atau polisi insurans suatu anggota penanggung insurans dipindahkan kepada dan diambil alih oleh anggota penanggung insurans lain”.

Pindaan Jadual Pertama

95. Jadual Pertama kepada Akta ibu dipinda—

(a) dalam perenggan 1—

- (i) dengan memasukkan sebelum takrif “harga transaksi” takrif yang berikut:

‘ “balasan”, berhubung dengan pemindahan syer yang disebut dalam perenggan 99(1)(ga), ertinya suatu amaun bersih yang dibayar atau kena dibayar kepada pemindah berkenaan dengan syer yang dikeluarkan oleh suatu institusi anggota yang dipindahkan menurut suatu perintah pindah milik yang dikeluarkan di bawah seksyen 128B;’;

- (ii) dalam takrif “institusi anggota”, dengan memasukkan selepas perkataan “perenggan 99(1)(c)” perkataan “atau suatu institusi anggota yang syernya tertakluk kepada suatu pemindahan di bawah perenggan 99(1)(ga)”;

- (iii) dengan memasukkan selepas takrif “institusi anggota” takrif yang berikut:

‘ “pampasan” ertinya suatu amaun bersih yang dibayar atau kena dibayar kepada seseorang yang haknya dihapuskan di bawah perenggan 128B(7)(b);’;

- (iv) dengan memasukkan selepas takrif “pemegang syer menentang” takrif yang berikut:

‘ “pemindah” mempunyai erti yang sama sebagaimana yang ditakrifkan di bawah seksyen 128A;’;

- (v) dalam takrif “pemiutang menentang” dengan menggantikan noktah di hujung takrif itu dengan koma bernoktah;

- (vi) dengan memasukkan selepas takrif “pemiutang menentang” takrif yang berikut:

‘ “penerima pindahan” mempunyai erti yang sama sebagaimana yang ditakrifkan di bawah seksyen 128A;’;

- (vii) dengan memasukkan selepas takrif “penerima pindahan” takrif yang berikut:

‘ “perintah pindah milik” mempunyai erti yang sama sebagaimana yang ditakrifkan di bawah seksyen 128A;’;
dan

- (viii) dengan memasukkan selepas takrif “perintah pindah milik” takrif yang berikut:

‘ “syer” hendaklah, kecuali bagi subperenggan 4(3), termasuk surat cara modal, waran dan hak di bawah apa-apa surat cara lain yang dikeluarkan oleh suatu institusi anggota yang memberi hak kepada pemegangnya untuk memperoleh syer dalam institusi anggota.’;

- (b) dalam subperenggan 2(3), dengan menggantikan perkataan “ditetapkan” dengan perkataan “ditentukan”;

- (c) dengan memasukkan selepas perenggan 2 perenggan yang berikut:

“Notis perintah pindah milik

2A. (1) Notis mengenai perintah pindah milik yang disebut dalam perenggan 128B(3)(b) hendaklah—

(a) menyatakan balasan, jika ada;

(b) menyatakan pampasan, jika ada; dan

(c) menentukan yang seorang pemindah atau seseorang yang haknya dihapuskan di bawah perenggan 128B(7)(b), mengikut mana-mana yang berkenaan, boleh dalam masa dua puluh satu hari dari tarikh penyiaran notis itu, memohon secara bertulis kepada Perbadanan untuk meminta suatu kajian semula oleh Jawatankuasa Pentaksir tentang kemunasabahan balasan atau pampasan.

(2) Permohonan di bawah subsubperenggan (1)(c) hendaklah mengikut apa-apa bentuk yang ditentukan oleh Perbadanan.”;

(d) dalam subperenggan 3(1), dengan memasukkan selepas perkataan “subsubperenggan 2(2)(b)” perkataan “atau subsubperenggan 2A(1)(c)”;

(e) dalam perenggan 4—

(i) dalam nota bahu, dengan memasukkan selepas perkataan “**Jawatankuasa Pentaksir**” perkataan “**berkenaan dengan kajian semula harga transaksi**”;

(ii) dalam subperenggan (1), dengan memasukkan selepas perkataan “subperenggan 3(1)” perkataan “berkenaan dengan suatu kajian semula tentang kemunasabahan harga transaksi”; dan

(iii) dalam subperenggan (7) dan (8) dalam teks bahasa kebangsaan, dengan menggantikan perkataan “Jawatankuasa itu” dengan perkataan “Jawatankuasa Pentaksir itu”; dan

(f) dengan memasukkan selepas perenggan 4 perenggan yang berikut:

“Kuasa Jawatankuasa Pentaksir berkenaan dengan kajian semula balasan atau pampasan

4A. (1) Apabila suatu permohonan dirujuk kepada Jawatankuasa Pentaksir di bawah subperenggan 3(1) berkenaan dengan suatu kajian semula tentang kemunasabahan balasan atau pampasan, Jawatankuasa Pentaksir hendaklah mengkaji semula kemunasabahan balasan atau pampasan mengikut permintaan yang terkandung dalam permohonan itu.

(2) Dalam mengkaji semula kemunasabahan balasan atau pampasan, Jawatankuasa Pentaksir hendaklah mengambil kira—

(a) apa-apa perkara yang dianggap oleh Jawatankuasa Pentaksir sebagai berkaitan termasuk hakikat bahawa perintah pindah milik telah dikeluarkan; dan

- (b) keadaan pasaran yang terpakai bagi jualan atau pelupusan syer seumpama itu yang dikeluarkan oleh institusi anggota,

dan dalam semua keadaan Jawatankuasa Pentaksir hendaklah menolak nilai manfaat yang diperoleh daripada apa-apa bantuan kewangan khas yang diperuntukkan, secara langsung atau tidak langsung, kepada institusi anggota oleh Perbadanan atau Bank Negara Malaysia.

(3) Jika Jawatankuasa Pentaksir memutuskan bahawa—

- (a) balasan adalah lebih rendah daripada amaun yang pada pendapatnya adalah amaun munasabah bagi syer yang dipindahkan (dalam subperenggan ini disebut “amaun munasabah”), Jawatankuasa Pentaksir hendaklah menasihatkan Perbadanan supaya membayar kepada pemindah itu perbezaan antara balasan dengan amaun munasabah dan Perbadanan hendaklah dalam apa-apa tempoh yang ditentukan oleh Jawatankuasa Pentaksir membayar perbezaan itu kepada pemindah itu; atau
- (b) balasan yang pada pendapatnya adalah amaun munasabah, Jawatankuasa Pentaksir hendaklah menasihatkan Perbadanan sewajarnya.

(4) Jika Jawatankuasa Pentaksir memutuskan bahawa—

- (a) pampasan adalah lebih rendah daripada amaun yang pada pendapatnya adalah amaun munasabah bagi hak yang dihapuskan di bawah perenggan 128B(7)(b) (dalam subperenggan ini disebut “amaun munasabah”), Jawatankuasa Pentaksir hendaklah menasihatkan Perbadanan supaya membayar kepada orang yang haknya dihapuskan di bawah perenggan 128B(7)(b) itu perbezaan antara pampasan dengan amaun munasabah dan Perbadanan hendaklah dalam apa-apa tempoh yang ditentukan oleh Jawatankuasa Pentaksir membayar perbezaan itu kepada orang itu; atau
- (b) pampasan yang pada pendapatnya adalah amaun munasabah, Jawatankuasa Pentaksir hendaklah menasihatkan Perbadanan sewajarnya.

(5) Bagi mengelakkan keraguan, Jawatankuasa Pentaksir boleh memutuskan bahawa adalah munasabah tiada balasan ditawarkan atau kena dibayar kepada pemindah atau tiada pampasan ditawarkan atau kena dibayar kepada orang yang haknya dihapuskan di bawah perenggan 128B(7)(b).

(6) Jika Jawatankuasa Pentaksir memutuskan bahawa adalah adil dan munasabah sekiranya bunga atau pulangan lain dibayar atas suatu amaun yang kena dibayar di bawah subsubperenggan (3)(a) atau (4)(a), bunga atau pulangan itu hendaklah dibayar oleh Perbadanan pada kadar atau dalam amaun yang diputuskan oleh Jawatankuasa Pentaksir itu sebagai adil dan munasabah dalam apa-apa tempoh yang ditentukan oleh Jawatankuasa Pentaksir.

(7) Jika Jawatankuasa Pentaksir memutuskan bahawa adalah adil dan munasabah bahawa kos prosiding di hadapan Jawatankuasa Pentaksir diawardkan kepada satu pihak terhadap pihak yang lain, amaun yang diputuskan oleh Jawatankuasa Pentaksir itu sebagai adil dan munasabah untuk diawardkan kepada suatu pihak berkenaan dengan kosnya hendaklah dibayar oleh pihak yang lain itu dalam apa-apa tempoh yang ditentukan oleh Jawatankuasa Pentaksir.

(8) Jawatankuasa Pentaksir hendaklah menyelesaikan permohonan yang dirujukkan kepadanya di bawah subperenggan 3(1) dalam tempoh tiga bulan dari tarikh rujukan kepada Jawatankuasa Pentaksir atau dalam apa-apa tempoh lain yang diluluskan oleh Menteri.

(9) Suatu perakuan yang ditandatangani oleh ketiga-tiga anggota Jawatankuasa Pentaksir yang mengesahkan mana-mana keputusan Jawatankuasa Pentaksir hendaklah menjadi keterangan muktamad bagi keputusan itu.”.

Peruntukan kecualian

96. (1) Segala sebutan mengenai premium yang dibayar atau kena dibayar oleh anggota penanggung insurans kepada Perbadanan dalam mana-mana undang-undang bertulis hendaklah, pada mula berkuatkuasanya Akta ini, disifatkan sebagai sebutan mengenai levi.

(2) Segala sebutan mengenai “takaful perpaduan keluarga” dalam mana-mana undang-undang bertulis hendaklah, pada mula berkuatkuasanya Akta ini, disifatkan sebagai sebutan mengenai “takaful keluarga”.

(3) Walau apa pun penukaran nama dalam Akta ini, daripada takaful perpaduan keluarga kepada takaful keluarga dan daripada sijil takaful perpaduan keluarga kepada sijil takaful keluarga, perlindungan setakat yang diberi kepada manfaat apa-apa takaful di bawah Akta ibu hendaklah terus mempunyai kesan dan berkuat kuasa.

(4) Pindaan dalam seksyen 2, 3, 13, 14, 17, 44, 45, 46, 47, 48, 49, 50, 51, 57, 58, 59, 62, 63, 64, 65, 66, 67, 68, 69, 70, 71, 72, 73, 88, 89, 90, 91, 92, 93 dan 94 Akta ini yang berbangkit daripada penguatkuasaan Akta Perkhidmatan Kewangan 2013 dan Akta Perkhidmatan Kewangan Islam 2013 hendaklah dibaca bersama dengan peruntukan kecualian dan peralihan, mengikut mana-mana yang berkenaan, yang diperuntukkan dalam Akta Perkhidmatan Kewangan 2013 dan Akta Perkhidmatan Kewangan Islam 2013.

(5) Apa-apa perbuatan, perkara atau prosiding, sama ada sivil atau jenayah, atau rayuan yang belum selesai atau sedia ada, di bawah seksyen yang dipinda sebaik sebelum permulaan kuat kuasa Akta ini, boleh diteruskan di bawah Akta ibu seolah-olah Akta ibu tidak dipinda.